


BUFWĪKĪGWE ³

 . . .-ndwe Neville. Mugonile kanunu, kalasi. Uswe twe basangalufu ukugomokela kangu ukubaponia umwe kangu mu Ngamu imfwane-mosa iya Ntwa Yeso. Tukasūbīla ukuti umwe mwāli nu ndungu unkulumba ugwe ndufyo nu sayo Syāke.

² Itolo ukwisa muno ulubunju ulu, une nālyāgéne nu ndumiana unnini pala kangu umwene ālīmbéle une akafwani kanini aka Gwāndūmi unsikali ikukētésya pamwanya pa bāna babili abanini. Kangu une ngāmenye ukuti yula āli gwa Daulton, undumiana unnini gwa Daulton.

³ Kangu apa imilungu minandi igi gikīndīle, pamo a manandi. . . Kifuka imilungu mibili igi gikīndīle, ālīpo u tāta, u tāta gwa Kikristi, āsūmīle kuli mwanundindwana gwāke untubwa uyu akāli tāsi Nkristi, akabalilo kosa umwene ālīmīle mu lukīndi lwa lwīpūto. Kangu Mbepo Mwikemo alinkuyoba ukukinda, “Une—Une ngukupa ugwe umwanako.” Kangu apa umwene undindwana ali apa ulubunju ulu, apokīgwe nukōsīgwa mu Ngamu ya Ntwa Yeso, itūgésye pa kigemo, itolo mūmo u Mbepo Mwikemo āyobile. Kangu abana abāngi botūgésye bōsa ukusyungutīla. Une mmenye i nyuma ya Daulton yihobwike.

⁴ Kēta u nkīkūlu unnini pala uyu abēne bāli nu lwīpūto panongwa ya mwāna pa Ndungu gwa mmayolo, binogonaga ayaga pa kufwa. Une ngukēta akene kakāli kali na uswe ulubunju ulu, kangu uswe tuli basangalufu fiyo panongwa ya ikyo, kalumbu. Abēne binogonaga ukwene kwāli kwengeluka kwa nnyofu, kangu akene kakāli nako ukwene. Polelo uswe tuli bakupālisya fiyo.

⁵ Ukukēta bosa abinitu abanunu. Une ngukumbukila u nnyāmbala uyu apa ikwisa kwa uen mu bwangalo bwakusofu ku—ku Chautauqua akabalilo kamo, une ngusūbila ukwene kwāli. Une nāli na nifyākulya-kalembusya na ugwe nu nkasigo na bāna, une ngusūbīla ikyene. . . pamo ugwe nu nkasigo, pamo abāna, ena, bōpe. [U nkundwe ikuyoba, “Middletown.”—Nsimbī.] Middletown, ku i. . . Lōli uswe twesa. . . Une ngwībwa i ngamu yila, polelo une itolo nguyikōlela iyene Chautauqua. Ena, nkulumba. Bingi abinangu abanunu.

⁶ Nkundwe Charlie Cox na Kalumbu Nellie kubwa kuno, uyu yo isile ukuya kāya kākibīli kwa une, kangu nakimo lōli umwe mwābagīle ukuya bāna bāngu bēne. Une ngubuka ukusuluka kula, ukwene ko une ngutaga akabalilo kāngu fiyo ukuyata, ko kusuluka kula. Umwene yo mfwimi unnunu ukukinda-bosa mu Kentucky akabalilo kāko une ndi mu Indiana. Kangu popāpo Indiana. . . Kangu Charlie, une ngukubūla ugwe une itolo nīsūkīle, ukwipilika nububabe fiyo ngati une mbagile ukukola

amanandi ga gala amagege pamo imbasa indabalabe bo une ngāli nganyamuka kula. Une itolo naloliloli ngwipilika ngati une nābagile ukwikasya ikyene fiyo.

⁷ Nkundwe Parnell. . . Par- . . . Arnett, ukufuma ku Lou- . . . South Carolina. Kangi Nkundwe. . . Ena, itolo bingi fiyo abēne abakindane apa ukufuma mabuyo amakindane, aba bīngile ulubunju ulu ukutuyātīla uswe.

⁸ Umwe mumenye, uswe tukaya nu bwenekaya ubwābwila apa. Uswe itolo tuli nu bulilanisi yumo nu nnine, bo i Lilopa lwa Yeso Kristi, Mwanundumiana gwa Kyāla, likutusūka uswe ku busitabugolofu bōsa.

⁹ Lilino, uswe tukuya nukufunda ukwikyēle, itolo kyalwīmiko. Kangi uswe tuli, pabunini fiyo une ne . . . mmenye une ngwīkyēla ikyene, kangi une mmenye mwesa umwe mukwīkyēla ikyēne numwe. Une ngwandako utubalilo tumo ukukinda pamusi, ukuyoba isya ikyene pamo ukubala isya ikyene, une ngwēga kifuki amanandi mabili nukwandako ukukinda m'Masimbo kangi, ikindu kyākwānda umwe mumenye, une mbombilémo ukufuma Bwāndilo ukufika Busetuli, ngāli ngubūka.

¹⁰ Kangi, umwe mumenye, une ngulonda ukwēga akabalilo kūko uswe tubagile—kūko uswe tubagile ukufika pa Būku gwa—gwa Bahiburi, kangi ukwēga itolo bo . . . Ena, bo akabalilo ka balukoti kakwisa mula, bo Seputem- . . . kifuki Okuto- . . . Ogasti, umwe mumenye, kangi ukukindilila mpaka akabalilo ka kubuka ukukilania inyanja, itolo ikilo kilikyosa pa Būku gwa Bahiburi, pamo Būku gwa Kusōka. Mūmo Kyāla, Kusōka, ukutwala panja abāndu Bāke ukufuma mu Igupto, u kusōka! Kyākwegelēla ikimogi fiyo ikya uswe lilino tukwītendekēsya ku kusōka. Ikyene kyo, o, ikyene kyo kindu kinunu fiyo. I Lisimbo lyōsa likulungisania palikimo, kangi akene ko Kapango kamokene akanywamu.

¹¹ Lilino, ulubunju ulu uswe—uswe tukāli tuli mwa Buku gwa . . . Uswe twayaga pakwega imitu igwakwanda mitatu igya—igya Būku gwa Baefesi. U kalata gwa Pauli ku Baefesi ku Efesi, ukugela, ukubika pamwene-pamwene i kipanga. Kangi itolo bo uswe tukāli ukusegelēla ikyene, ngimba uswe tubāgile ukupaya akabalilo akangi pamo tubili ku lwīpūto itolo bo tukāli ukubōmba.

¹² O Ntwa, Kyāla gwītu, uswe tukwisa mu Kuyapo Kwako lilino, ukuya basitakufwana bo uswe tuli, lōli uswe tumenye ukuti kuli u Kwiyipa kwa Lilopa pala kukugūlila, ukutusūka uswe ukufuma ku bubwapufu bōsa, nukututwala uswe pankyeni pa Tāta, kisitakasolo, kisatabusobi. Komma nakamo aka uswe twābagile ukubōmbamo siku ukufwanapo pa iki. Lōli panongwa yakuti Yeso abōmbīle iki kuli uswe, uswe tukwinama nukwiyīsyā ku Kuyapo Kwāke ni Ngamu Yāke, ukusuma ukutu Ugwe

kutumaga u Mbepo Mwikemo ulubunju ulu pakati pitu. Kangi komma no mfunda-kyāla pamo ukumanya akabīkilo ka Lisimbo ndubātiko, lōli itolo ukukasīgwa kangi ukusanguluka ku bwipilikisye bwa Mbepo Mwikemo bo Umwene ikwenda ukukinda ubundu bwāngu, Umwene ali sayaga aligwe gwa uswe palikimo bo uswe tukubala i Lyāko i Lisyu ilisimbīgwe, ukuti Ilyene libagile ukuya kwa uswe Būmi Syēpwa. Tupaga ikyene, Tāta. Uswe tukusuma ikyene mu Ngamu ya Yeso, kangi panongwa ya Yeso. Amen.

¹³ Lilino une mbagile ukuyoba iki muno, ikyākwānda, ukuti linga akabalilo kalikosa akakuti une mbagile ukuyoba ikindukimo iki kikuyaga ikakukanikana, kitikwitugasya itolo kanunu, lumu naloliloli kisobi ku bumanyisigwe bwīnu, pamo ikindukimo iki ugwe ukābagile ukwitikisania nakyo, une ngusūbila Mbepo Mwikemo, ukuti Umwene isakukipelaga ikyene kilungigwe nukuya kinoge mpaka patisakuyako... ukuya nabuma ubusulumanie na panandi. Muketile? Ukuti ikyene kisa—ikyene kisakuyaga ukwisila ndugāno nu bulilanisi, ukuti ikyo kyo iki ikyene kyo...Ikyene kisanusigwe ukuya njila yila.

¹⁴ Kangi iki kyosa kikwānda nu bulūmbilili bwa Pandungu apa pakindile, une ngusūbila ikyene kyāli, Pandungu apa pakindile ndubunju, ukuya *U Mwalafyāle Umpikigwe*. Ngimba aligwesa ali nayo i tepo mpaka na lino? Une ngwinogona abēne bali nasyo isyene, kangi umwe mubagisenie ukuya nasyo isyene linga umwe mukulonda isyene, *U Mwalafyāle Umpikigwe*.

¹⁵ Lilino itolo amasiku manandi kangi uswe twisakwandaga ku...pamwanya ku Middletown, Ohio. Uswe tukulonda twesa aba bali ni syābo—syābo indusyo sibikigwe ku kabalilo kala ukusisimikisya ukwagana na uswe kula, 'nongwa yakuti uswe tukugūlila akabalilo akakulumba ka bulilanisi ku Middletown, Ohio. Doctor Sullivan yo gwakikota, une ngwinogona, gwa kibugutila. Kangi kula kwisakuyako ikilo ihano isya ikyene, une ngwisakulūmbililāga ukuya u—u njobi nhesya ku Lukomano lwa Fisufyosa ulwa kipanga kya Pakati-pa-fipanga-fipāgūke. Kangi polelo—polelo ukufuma pala, kwisakuyaga u lukomano lwitu twibene ukufuma pala ukubuka nkyeni. Uswe tulinalo ukwene lubikigwe mpaka pa lya-kalongo-na-mabili, lōli pāsi pa kupilikisania ukuti uswe tubagile ukukindilila nukukinda undungu ugungi ukufuma pala, itolo kikwēgēla pa mūmo Mbepo Mwikemo ikukulungosyaga. Uswe twesa tukuonda ukulongosigwa na Mbepo; itolo iki Mbepo ikuyoba bōmba, polelo bōmba ikyene nakalinga.

¹⁶ Kangi unko uswe tukumbukilege bo uswe tukupilikila u Mbepo, ikimanyisyo kimokyene ikikulumba iki uswe tukulonda ukumanyila, ko komma siku ukuya nu mpwato. Muketile, ega akabalilo kāko, yaga nu lwitiko. Linga uswe tunsūmīle Kyāla

kalikosa, kumbukilaga Kyāla ikwamula inyīpúto. Umwene ikubōmba ikyene nkabalilo Kāke, mu njila iyi yo nnunu ukukinda, ukupela ikyene ukubōmba itolo nubutalusye kwa uswe. Kangi linga ikyo kikaya ulo, polelo ngimba fyo fiki ifi uswe tukubōmba apa ulubunju ulu? Ngimba kyo fiki—kyo fiki iki uswe tukwiyobela i Kikristi? Kyāla. . . Linga ili lya likaya Lisyu lya Kyāla, kokuti Ilyene likaya lyābwanalōli, kokuti uswe twāgígwe nkati mbāndu ukuya bapelakisa ukukinda.

¹⁷ Une nhōbwike fiyo ukulungisania indumbula na bīngi apa aba bamenye ukuti Iki kyo lisitakutoligwa Lisyu lya Kyāla. Polelo Ilyene, Ilyene lya Lisyu lililyōsa Bwanalōli, i Lisyu lililyōsa lya Ilyene, uluko lōsa lwa Ilyene. Kangi ni lipyana lya Kyāla, ukuya nu lusáko ukukēta i Kīsu ku iki ilisiku limo uswe twisakubūkága.

¹⁸ Mmayolo (Abāndu batikumanya to tubabalilo nki utusulumanisye tukwīsa nu luko lwa butumígwe ubu.), Une nafikile ukuya nsulumanie naloli, kangi une ndinkuyoba ku nkasi, “Une ngunyonywa une nābagile itolo ukukindililága.”

Umwene alinkuti, “Fiki ugwe kuyoba ikyo, Bill?”

Une ndinkuti, “O, apa une ndini ndamyo ni findu.”

¹⁹ Kangi polelo kyabonekaga ngati u Mbepo Mwikemo āyobíle, “Ngimba ugwe kugela ukubeka isyene? Ngimba ugwe—ngimba ugwe kugela ukwībilíla ku syene?” Muketile?

²⁰ “Umma,” une ndinkuti, “itolo unko une nīme palapala nkyeni mwa kisyo kya kyosa ikyene nukukētána ni kyēne mōsa.” Muketile, itolo. . . Muketile?

²¹ Ikyene kyo kinunupo fiyo. Nubwanaloli-ndumbula, nubwanalōli, une nguyoba nu bukēti, ukuti itolo ukufuma pāpo u būmi ubu bumalíke, uswe tukwingila i Kīsu iki kyo kukinda kalikosa aka aligwesa ābagile ukwinogonamo. Kangi linga balipo abahesya balibosa apa, une ngusūbila ukuti umwe mutiku. . . Une ngusúma Kyāla ukuti umwe mutikunyēga une umumilisi. Une—une ngulonda, linga kilikyosa, ko kuya gwabwanalolindumbula kangi ukuyoba u Bwanaloli. Kangi ngimba bo bununu buki ikyene kikubombaga une ukuyoba ikindukimo ii kyāli kisóbi, akabalilo kāko bulipo bwīngi—bulipo bwīngi fiyo ubu buli muno ubu bo Bwanalōli? Uswe, nongwa ya fiki uswe tukufimbilisigwaga ukuyoba kalikosa akasóbi isya ikyene? Muketile? Ikyene, Ikyene kyo itolo Bwanalōli.

²² Kangi, yo nongwa, une ngwitika Pauli ānyakilígwe mu mwanya gwabutatu, kangu umwene ākētíle i findu ifi ikyene kikāli kabalilo-kāke kuli umwene ukuyobapo. Kangi ilisiku lumo umwene alinkuti, “Ikisige kikakéta, imbulukutu yikapilika, pamo kikingilamo ikyene mu ndumbula ya mūndu, iki Kyāla alinakyo kuli bēne (mu bupáye) aba bānganile Umwene.”

23 O, uswe itolo tukwītugāsya...Uswe tukwītugāsya mbutāgilo ifyakulundika pāsi apa, ikyo kyo kyōsa, itolo ikilūndiko kya finyanyasi fiswile ni—ni lyōsi ilifūke ukufuma ku finyanyasi. Ee...Palema nalinga uswe tukaya bābwapuligwe ni kyene twibene, uswe twītūgēsye mu kyene, kūko i lyōsi likwisa ukufuma ku bufūke bwa fisīnga fya butulwanongwa. Kimo mwa findu ifibinisye ukukinda-fyosa une mbagile ukwinogonapo, ko kubutāgilo kwa kāya akaiyolo kukwāka. Ngimba ugwe gwālīmo siku kifuki ku kimo? Bula ubununge ubwa ilinyāli, ilyōsi ilibwāpuligwe likufyuka ukukinda mu luko lōsa lya finyanyasi. Kangi—kangi ugwe kwega ubutuyo bwa ilyene, kangi ilyene likukubilusya ugwe ukusyungutila.

24 Une ngukumbukila ukutinābukāga ukusuluka ku New Albany, ukusuluka nkyeni ku...pāsi pa Lukindi Kalongo-lwēle, kula kūko ilitāgo ilyaiyolo lyālisibile ukuya, kangi une nāfimbilisigwāga ukwega ukusuluka nkati mula nukubāla ifipima. Kangi une itolo nātilāga ilisiku akabalilo kāko ilyo lyāli, injila ya kalongo-na-lwele, akabalilo kāko une nāfimbilisigwāga ukwega ifyo pāsi nkati mula, panongwa yakuti ikyene kyāyaga pakununga ukunungwa ukunyali kula. Kangi pōpe, gilambalele panja pamwanya pala gyāli mibili gya mbeba ni mbwa na filifyosa, umwe mumenye, ifi fyafūkāga kangi ilyōsi ilyaiyolo lila likwisa mmwanya ukukinda ikyene.

25 Lilino, pōpe, ikyo kyo iki u būmi ubu bukufwanikisigwako, ku bununu-fiyo bwa ikyene. Itolo ukufūka, ubutulwanongwa itolo bukununga ukufuma kulikosa, mūmo ikyene kyāli, ukuyoba mwambepo. Lōli, o, kūko u mbelo gukupūta nubwābūke, kangi kilikyosa kyo kyalugāno nu lutengano nu busangalufu nu Būmi Syēpwa, itolo ukukilania u lusoko. Lōli uswe tuli mu bwīte, polelo unko uswe itolo tulambalale pāsi nukuyoba, “Unko uswe tubopelege nukufika ukukilania kula,” unko uswe tutwāle aligwesa na uswe aba uswe tubagile ukutwala. Ena.

26 Kangi lilino i fundo ya fimanyisyo ifi ko kungimisya bala aba bāgenemo ni Kīsu. I fundo ya iki, ukufunda u Būku uyu gwa Baefesi, ko kubīka-pabuyo pamwene-pamwene i kipanga pāpo ikyene naloliloli kikwīma mwa Kristi. Ikyene kyo kyākwēgēla kya Lwitikano Ulukulu kangi u Būku gwa Yoshua, kūko Yoshua āyābēnie. Pandungu ugu gwākindaga uswe twalinakyo ikyene, kūko Yoshua āyābēnie i kīsu ku nnyāmbāla aligwesa. Kangu umwene ābōmbīle ikyēne ukwisila mu bupake.

27 Mūmo Mōse āli...ātwele abāndu pānja pa Igupto, ifitungulu, abānyesi, panja, nukubapa abēne u buyo kūko Kyāla āfīngīle ifyinja ba mia bana ukukonga...pamo a bamia bana pabutasi, ukuti Umwene ikubatwalaga abene mbuyo, i kīsu ikinunu kisululūka nu lupyu nu lūki. Kangi Mōse ābalongolīle

abāna ba Israeli mpaka pala ku kīsu, lōli akābalobosīsyē abēne kwisīlya.

²⁸ Knagi Yeso, ku bamwambepo, ku bāndu aba bisa . . . uswe tufingilígwe Mbepo Mwikemo ukufuma ku bwandilo, Yeso átulongolíle uswe mpaka lu lufingo. Lōli Mbepo Mwikemo ālisíle, bo Yoshua, ukwingil'íkilingo nukulongosya nukusōsōla nukwega ubwenenakyo i kisu, pamo ukuya mwenenakyo gwa kipanga. Uswe tukusyagania, mubupepe, polelo, ukuti mu fyítu . . .

²⁹ Lilino apa p pāpo, lumo, abāndu babagíle ukwinogona ukuti une ndi gwamatingo kangī ngugela ukupīka abakundwe. Une ngaya! Kyāla ayēge Ndongi gwāngu, une ngaya. Muketile? Une ngugela itolo ukusōsōla panja ikindukimo iki kyo Bwanalōli. Muketile? Uswe tusalíle abalōngósi, aba banyāmbála, mbuyo bwa kulongosígwa, abalōngósi, ubulōngósi bwa Mbepo Mwikemo. Uswe tulondile abanyāmbála ukuyabania mōsa ikiyabo kyítu nukutulōngósya uswe, ifipanga-fipāgúke bo kiMethodisti, kiBaptisti, kiPresbeteri, kiLuteri, Kipakanga kya Kristi, kiPentekosti, ni fipanga-fipāgúke ifikindāne, ukubīka ikipanganio ukuya kyākwégeléla, kangī uswe tukukōnga ikyo. Lōli uswe twe . . .

³⁰ Napamo mu li Bāngéli tukulagilígwa uswe ukubomba u luko lwa ikyo. Likayapo ni lisimbígwe lya Lisimbo nalimo, mu lyosa ili Bāngéli lya Kyāla, kūko Umwene āpangeniémo siku ikipanga pamo kūko Umwene āyobilémo siku isya kipāngánio, nu buyo nabumo mu li Bāngéli. Lōli bwila ukukindana fiyo ni kyene. Umwene atikulonda uswe ukuya babūmbígwe bo findu fya nkīsu. Umwene ikulonda uswe bakīndāne, babīkígwa palubafu.

³¹ Une ndikusanusya lilino ukuya “ntoyofu,” mūmo uswe tukukikōléla ikyēne. Une ngusanusya ukuya bāndu abakōlelígwe-pānja, o, ikikolo ikisayígwa, ukwitūgásya imyoyo igi gili pamwanya pa bukosityoni, ukubōmbéla, ukwikōlako twibene itolo mūmo Umwene ābagíle, ukubōmba mwa uswe, namanga uswe twe bumang'anyi Bwāke, tupeligwe mwa Kristi Yeso ku mbombo inunu.

³² Lilino, Kitata nkilo, bīngi ba umwe mukāli apa pa Kitatu nkilo, lōli uswe twāfikile mu . . . Une ngusūbila ikyene kyo linandi lya 3 pamo i . . . Umma, ilyene lyo linandi lya 5.

. . . *ku bufwīkígwe*, pamo ukubīkígwa mbuyo kwa bāndu . . .

³³ Mūmo fikuti Kyāla, ikugela ukubīka pabuyo abāndu Bāke, kangī akabalilo kāko Kyāla ikubīka pa buyo yumo, polelo bōsa ikipanga kyōsa kikulonda ukuya bo yumo yula, ukuya nu luko lwa findu ifyakufwana, ukubomba ifindu ifyakufwana. Uswe tutumuligwe mōsa mbukīndane, uswe tutendekígwe

mbukĩndáne, kangi uswe tubikĩgwe pa buyo mbukĩndáne, yumo aligwesa ku mbombo ingĩndáne; lumo yumo itolo ku luko lwa mbombo inini, uyungi ku mbombo inywamu. Une ngusũbila umwene āli Davidi pamo yumo mwa basolóli, une ngwibwa lilino, alinkuti, “Une kinunupo njege nkeka-gwapakifigo ku Nyumba ya Ntwa, ukukinda ukuya... ukwitugasya mfihema ifya batulwa-... ababutulwanongwa.”

³⁴ Lilino uswe tukwĩmága itolo pa sekondi yimo pa kufwĩkĩgwa, ilinandi lya 5, ukugela ukufika pāsi nubutāli mũmo uswe tubagĩle pa kyene. Lōli lilino kumbukilāga i fundo, iyene yo palikimo pa kubĩka pa buyo. Balinga bikupilikisya ikyo? Unko uswe tupilika umwe mukuyoba ikylene ni lĩsyu limolyene: “Ukubĩka u Mbĩli gwa Yeso Kristi pamwene-pamwene mwa Kristi kũko Mbepo Mwikemo ikutulōngolēla uswe.” Mwākēta umwe lelo, lilino uswe tupilikĩsye ikylene, muketile. Pamwene-pamwene ukutubĩka uswe, u Bũku gwa Baefesi yo ikubōmbága ikyo.

³⁵ Kangi kētēsya u mmanyisi nkulumba uyu, Pauli. Ikindu kyākwānda umwene ikubōmba ko kupufulĩla panja ilinogono lyōsa ilya kugwĩla pānja. Ukupufulania ilinogono lyōsa ilyā siku “ukuyāmo Nkristi umwisyũgu kangi kilabo une ngĩndĩle, kangi ilisiku ilikōnge Kyāla andāgĩle une kangi ilisiku ilikōnge une ngomokĩle kangi.” Ikyo kyo kitikusanusya nakimo! Lilino iki kyo... U Bũku uyu akasĩmbilĩgwa ku bumanyisi bwabāngēli, ubulumbilili bwa babāngēli. Uswe tutiku... Une ndikupalamasya iki mmigunda. Une ngutwala iki ku kipanga, namanga Pauli akitwēle iki ku bĩkēmo, bala aba bākōlēlĩgwe nukufisĩgwa, kangi bisusĩgwe nukubĩkĩgwa palubafu, kangi bali mwa Mbepo Mwikemo, batalile bali mu Kisu kya Kenani. Umwene ikugela ukubabũla abēne, ikindu ikyakwanda, kisōsyāmo ikyēne ukufuma mu linogono lyĩnu ukuti umwe mwisakutāgĩgwága kangi umwe mwisakubomba *iki*, kangi umwe mukutila *iki*. Komma ukuya nulutende paitolo, namanga umwene ikugele ukubabũla umwe pāpo umwe mulipo, umwe mwe ywani, mũmo umwe mwĩmĩle.

³⁶ Lilino, ugwe ubagĩle ukubōmba ifindu mbusóbi, kangi akabalilo kosa ugwe kubomba kalikosa mbusóbi ugwe kuyaga pakuhōmbĩgwa panongwa ya kyēne. Ena, nkulumba, ugwe kufunja iki ugwe kubyala! Lōli ikyo kikaya nakyo ni kindu nakimokyene ukubōmba nu bupoki bwāko. Akabalilo kāko ugwe upāpĩgwe mwa Mbepo gwa Kyāla, ugwe uli nu Bũmi Syēpwa kangi ukabagila ukufwa ukukinda mũmo Kyāla abagĩle ukufwa. Ugwe gwe kiyabo kya Kyāla, ugwe gwe mwanundumiana gwa Kyāla.

³⁷ Une nāpāpĩgwe u Branham. Ugwe ubagĩle ukundendeka une ingamu iyingĩ. Ingamu iyingĩ yitidakundendeka une kimokyene ukusōsyāpo, une pōpe yone Branham. Une napāpĩgwe

Branham, bwila nguyaga Branham. Une ngu. . . Une mbagile ukusanusigwa fiyo ilisiku limo, ndemasigwe na mbungo ya mafupa, ukuya mfulale nukuya nswanyuke mpaka une nguboneka bo kinyamana, löli une pópe ne Branham! Nongwa ya fiki? Ililopa lya Branham lili nkati.

³⁸ Ikyo kyo iki ugwe uli. Kangi akabalilo kosa Kyala ákutendíke ugwe. . . Lilino kumbukilaga, une ndikuyoba kwa bala abápánja pa Kristi. Une nguyoba ku bala aba bali mwa Kristi. Ngimba ugwe kuya bulebule mwa Kristi? “Nu Mbepo yumoywene!” Unywamu M-b-e-p-. . . iki kikusanusya, “Nu Mbepo Mwikemo yumoywene uswe twesa tósígwe mu Mbili gumogwene.” Ngimba uswe twe bulebule. . . Ngimba uswe tukuya nkati bulebule? Nu lösyö lwa mmísi? Mũmo ngukindána na mwe baBaptisti umwe kangi umwe ba Kipanga kya Kristi. Komma nu lösyö lwa mmísi, na panandi! Bakorinti Bákwanánda 12, áyobíle, “Nu Mbepo yumoywene, Mbepo Mwikemo, tukutwálígwa uswe nkati mu Mbili gula.” Kangi tuli itolo baponesigwe mũmo u Mbili gula mbonésígwe. Kyála yo. . . áfingíle ikyene.

³⁹ Ngimba Kyála ábagíle ukundōnga Umwene kangi bulebule, bo Umwene ábúkíle ku Kalvari? Ukubũka ku Golgota, Umwene ákomígwe, ukupuyuligwe, Umwene akábagíle ukubumbuluka, Umwene alinkutoligwa nukuyoba i lisyu limolyene, kifuki. Nongwa ya fiki? Umwene áli ni mbibi sya kisu pa Mwēne. Komma nongwa yakuti Umwene áli ntulwanongwa, löli, “Umwene átendekígwe butulwanongwa” panongwa ya une kangi panongwa ya ugwe. Imbibi syōsa isya kisu ukufuma Adam mpaka u Kwisa Kwáke, syalambalele pa fibega Fyáke. Kangi Kyála akáfundága u Mwanundumiana Gwáke. Umwene áfundága ubutulwanongwa. Mukukēta mũmo kyáyilíle kibibi ikyene? Umwene ábōmbága ukupepekela. Umwene ápelaga injila ya bubopelo kuli bōsa bala aba Kyála, nubumanyila nganila Bwáke, áménye bikwísága. Uswe tukwísága nkati mwa ikyo mu maminiti manandi.

⁴⁰ Lilino, polelo, akabalilo káko ugwe gwe “nu Mbepo yumo uswe tósígwe nkati mu Mbili gula, u Mbili gumogwene, iki yo Kristi,” kangi uswe tuponesigwe kwa bwilanabwila.

⁴¹ Lilino, apo po pápo ikyene kikuboneka kikutika nubuswigisye, fiyofiyö aba—aba—aba abitiki ba Arminia, ukuti abēne bo. . . bikufimbilisigwa ukubōmba ikindukimo iki ukwifwanisya bēne, pamo ikindukimo ikyákukabilapo. Ngimba ikyene kikuyaga bulebule ukwisila mu findu fibili akabalilo kamokene? Ikyene kyo pamo ukwisila mu lipyana pamo ukwisila mu mbombo, kimokyene. Ikyene kikabagila ukuya kyakwísila mu kindu kilakila, ikyene kyo ukwisila mu findu fibili ifikíbdáne; ikyene kyo kikufimbilisigwa ukuya mwa kimokyene. Ikyene kyo. . .

42 Une, mwe, une ngabagíla ukukēta nakimo ikingi lōli ilipyāna lya Kyāla. Uko ko kubūmbígwa kwāngu. Une akabalilo kōsa nālītike nalōli mu ipyana. Une ne itolo ipyana paliposa, ikyo kyo kyōsa. Ikyene kikaya une—une. . . pōpe mu būmi bwāngu, bo une nāli ndumiana, une ndinkutōlígwa ukukēta nakimo, loli ipyana, ipyana. Abēne bikuyoba, “Une—une ngwisa. . . Ugwe kāsúla inyuma yāngu kangi une ngukāsulága iyāko.” Ena, ikyene kyo buyobelo ubunyali. Lōli une ndikupāsyā kali ugwe kukāsulága iyāngu pamo mma, linga iyāko yikulōndígwa ukukāsúla, une nisakukukāsulága ugwe mulimōsa. Muketile, ipyana. Ena, nkulumba. Muketile, ilipyana likubomba mu lugáno. Linga ugwe kulonda ilyene! Kisitakupasya linga ugwe ukāmbombelāmo nakimo kuli une, une—une ngaya nako akandu kamokene akākubōmba na ugwe, linga ugwe kulondigwa ikyene une ngukibōmbága ikyēne mulimosa. Ipyana! Panongwa yakuti ugwe kulondigwa ilyene!

43 Une nālōndigwága ukupokigwa. Kikālipo nakimo kyābagile ukumboka une. Kikālipo nakimo une nābagile ukubōmbapo nimwene, ngābagile mbwingipo ukwipoka nimwene ukukinda nakimo. Lōli une nālōndigwága ukupokigwa, panongwa yakuti une nālītike mwa Kyala yumo. Kangi Kyāla ātūmíle u Mwanundumiana Gwāke, atendekígwe mu bufwane bwa mbili gwabutulwanongwa, ukukūbílwa mbuyo bwāngu, kangi une nāpōkígwe, ni lipyana lyēne nāpōkígwe une. Na kandu na kamokene nabagile une ukubōmba, pamo ugwe ukubōmba, ukwipoka gwimwene. Kangi bala aba Umwene amanyīle-ngānīla bo lukāli ulwālo lwa kīsu lukālígwa. . .

44 Uswe tukīndilēmo mu kyene, i Kitatu iki kikindíle. Uswe twabíkile ikifwani u Kyala mwa Gwāke Elah, Elohim, kangi twānāngīsye ukuti Umwene yo njako-pamwene. Lōli nkati mwa Umwene bwālímó u Bwatāta, nkati mwa Umwene mwālímó ifyakubagilila ifikīndāne, bo u Mpoki, bo u Mbumbulusi. Ifyo fyāli fyōsa mwa Kyāla, kangi Kyāla āli njepo-pamwene. Lōli pakuti Umwene āli Mpoki, Umwene āli yo Tā- . . . Umwene akāli nayo u Gwāndúmi, Umwene akāli nakyo nakimo. Kikālīko nakimo lōli Mwēne. Umwene āli njepo-pamwene. Nakimo kyālīko lōlo Kyāla.

45 Lōli pakuti Umwene āli Kyāla, polelo pala pikufimbilisígwa ukuyapo ikīndukimo ikyakummwīpúta Umwene, panongwa yakuti Umwene akuganīle ulwīputílo. Kangi u buKindu Bwāke Bwene bwāpelīle ifipeligwa ukummwīpúta Umwene. Lilino, mukukolelelāpo tasi, unko uswe tukitíke ikyene kāngi, mukukolelelāpo tāsī lilino, uswe tutísa kukīndamo mu kindu kyōsa mma, lōli umwe mwisakukyāgága ikyene pa tepi. Lōli polelo panongwa yakuti Umwene āli Kyala, Umwene alinkutendeka a Bāndúmi, kangī a Bāndúmi balinkummwīpúta Umwene. A Bāndúmi bakāli bikummwīpúta Umwene. Fiki, a Bāndúmi aba bikwīma mu Kuyapo kwa Kyāla bali na mahano

na limo, ikipambo kya mapiko, amapiko mahano na limo. Abène bikupimba mabili pamwanya pa kisyo Kyābo, mabili pamwanya pa malundi Gābo, kangi bikupuluka na mabili, mu Kuyapo Kwāke, ukukúta pamusi na pakilo, “Mwikemo, mwikemo, mwikemo, Ntwa Kyala Mwenemaka.” Ikyo kyo iki i Lisimbo likuyoba. Abène balinkumwīpúta Umwene, lilino kila kilinkupela ikindukimo ukummwīpúta Umwene.

⁴⁶ Polelo nkati mwa Umwene kyālimo ikyakumbagilíla ikya Mpoki. Ngimba bulebule kimo mwa Fipeligwa fila, akabalilo káko bukálipo nabumo ubutulwanongwa pamo nagamo aminogona ga butulwanongwa, ngimba kyābagíle bulebule kimo mwa Ifyene ukuya kiyonge? Ikyene kikābagíle ukuya. Popāpo pala kyafimbilisigwága ukuyako ikindukimo kitendekígwe iki kyabagíle ukuya kiyonge, ukuti Umwene ābagíle ukuya Mpoki. Nkati mwa Umwene āli Mbumbulusyi. Ngimba ugwe kwitika Umwene yo Mpoki? Ugwe kwitika Umwene yo Mbumbusyi? Lōli bule linga kikāliko nakimo ikyakupoka pamo ukubumbulusya? Muketile, pala pafimbilisigwága ukuyapo ikindukimo kitendekígwa injila yila.

⁴⁷ Popāpo lilino, Umwene akatendikemo siku ikyene injila iyo, lōli Umwene ālímbole u mundu pa butuli bwa lwīho lwabwābúke, “Linga ugwe kwega *iki* ugwe kuyaga mūmi, linga ugwe kwega *kila* ugwe kufwa.” Kangi u mundu aligwesa uyu ikwisa nkisu yo akāli abíkígwe ni kindu kilakila. Kyāla, mu kumanyila-ngānīla Kwāke, āménye yūyo ābagíle kangi yūy akābagíle. Linga Kyāla ukuya. . .

⁴⁸ Ililālúsyo lyalālusígwe mmayolo nu mfunda-kyāla, kwa une, uyu isaga ku ngomano pamo ikupilika i tepi, alinkuti, “Ililālúsyo limolyene!” Umwene alinkuti, “Kokuti Kyāla yo njapo-posa? Kokuti,” umwene alinkuti, “Umwene abagíle ukuya kulikōsa?”

⁴⁹ Une ndinkuti, “Umwene akaya njapo-posa mu njila iyi i lisyu likuyoba njapo-posa. Umwene akabagíla ukuya Kindu kangi polelo ukuya njapo-posa yumo. Linga Umwene yo njapo-posa, nongwa yafiki ugwe gwabagíle ukusuma Mbepo Mwikemo? Linga Umwene yo njapo-posa, Umwene ikwisusya akalenduke kalikosa, inguto, akambako, akambakasya kalikōsa, undísi, kilikyosa ikingi iki kiliko.” Une ndinkuti, “Nongwa yafiki Umwene alinkumfwíma Mōse, linga Umwene yo njapo-posa, ku butusyilo? Nongwa ya fiki Umwene alinkubopa ukufyuka-nukusuluka mu ngunda gwa Edeni, ikukúta, ‘Adam, Adam, ngimba uli kugu ugwe?’ linga Umwene yo njapo-posa?”

⁵⁰ Umwene yo njapo-posa panongwa yakuti Umwene yo mmanya-fyosa. Umwene amenye kilikyosa panongwa yakuti Umwene yo nsitampaka, ukuya nsitampaka kukuntendeka Umwene njapo-posa. Ukuya njapo-posa, polelo, ukuya nsitampaka, polelo, Umwene ikwitügasya m’Myanya. Umwene

ikwitugāsya mbuyo bumo panongwa yakuti Umwene yo Kindu kimo.

⁵¹ Lōli, ukuya nsitampaka, polelo Umwene amenye ifindu fyosa. Ukumanya akabali kalikosa akambwele kakupula akasige kake. Amēnya injuki yiliyōsa, kūko iyene yikubūko nkifumbwa ukwega ulūki lwāke. Umwene amenye tundulu aligwesa iyi yikwītūgāsya mu mpiki. Umwene amēnye ilinogono lililyosa ili lilu mbwinogonela mwāko, panongwa yakuti Umwene yo nsitampaka kangī mmanya-fyōsa. Uko kokuti, Umwene kukaya kwene ukuti Umwene nsitampaka, Umwene yo mmanya-fyōsa, Umwene amēnye kilikyosa. Lōli Umwene yo Kīndu kimo, Kyāla yo Kīndu kimo kangī ukufuma mu Kīndu iki kikwānda ukutwala panja ifi.

⁵² Kangī ubutulwanongwa, une nāyobīle ikilo kimo, ubutulwanongwa bukaya kipeligwa mma. Kikayapo nakimo kyāpeligwe loli bupelelesye. Kyāla āpelīle ifindu fyosa finunu. Ubutulwanongwa bukaya kipeligwa. Bayobile, “Ena, ikyo kyo kipeligwa kilakila ikya butulwanongwa.” Umwe mupilike ikyo. Lōli ikyo kyo kusoba. Ubutulwanongwa. . . Alipo itolo yumo u Mpeli, uyo yo Kyāla. Kyāla akābagīle ukupela ubutulwanongwa, panongwa yakuti Umwene yo mwikemo kangī kikayamo nakimo mwa Umwene ukutendeka ubwene. Ubutulwanongwa ko kuniongasya; komma ukupeligwa, lōlu ubwene bo buniongasye. Ubulogwe bo akabōmbelo akagolofu kansiongasigwe. Ubusyobi bo bwanaloli buyobīgwe mbusōbi. Ubutulwanongwa bulibōsa, ubutulwanongwa bulibōsa bo bugolofu buniongasigwe.

⁵³ Polelo lilino, Kyāla ikwītugāsya. Umwene atalile ibonisye Mwene, Umwene yo Kyāla. Umwene atalile ibonisye Mwene ukuya Mpoki, u mundu āyōngīle kangī Umwene ālipokīle abēnr. Umwene atalile ālibonīsye Mwene ukuya Mbumbulusyi. Kitikutendeka ubukīndāne nabumo iki abāndu bikuyoba ukuti Umwene ali; kangī Umwene yo ali, mulimosa, itolo yulayula. Umwene yo Mbumbulusyi, Umwene yo Mpoki, Umwene yo Kyāla, Umwene yo Gwabwīlanabwila. Kangī Umwene ali nu bwīgāne. Kangī u bwīgāne Bwāke bwāli, ku bwāndīlo, ukutendeka ifipeligwa ifi fikungana Umwene kangī ukummwīpūta Umwene.

⁵⁴ Kangī Umwene alinkutendeka ifipeligwa, kangī ifipeligwa filinkugwa. Kangī polelo Kyāla, nu busita-mpaka Bwāke, alinkukētēla pāsī ukwisila nkisōko kya kabalilo kangī ākētīle u mūndu aligwesa uyu ābagīle ukupokigwa. U mūndu aligwesa, Umwene āmēnye ikyebe ukwisila mu kumanyila-. . .mu kumanyila-ngānīla. Polelo linga Umwene, nu kumanyila-ngānīla, āmēnye yūyo ikupokigwaga na yūyo atikupokigwaga, Umwene ābagīle ukubīkīla-ngānīla. Popāpo, i lisyu ili likaya lisyu libibi fiyo muli mosa, bule iliyene? Umwene ābagīle ukubīkīla-ngānīla, panongwa yakuti Umwene āmēnye yūyo

ikubōmbága na yūyo atikubōmbága. Polelo, ukuti akóle bābo bikubōmbága, Umwene āfimbilisigwága ukutendeka uku—uku pepekelā panongwa ya mbībi. O, linga uswe tubagīle, uswe tukulonda ukufika ku kyene, itolo amanandi manini pāsi apa. Umwene ābikīle-ngānila uswe ku Būmi Syēpwa, amenye ukuti bāla aba bikubikága kulubafu filifyosa, kangi kali mūmo ikyene kikuboneka kisitakukindana ku bāna ba kīsu, ikyene kikusanusyaga ikindu kimo ku bēne, panongwa yakuti abene bāli bana ba Kyala. Kangi Umwene ābakōlīle abene.

⁵⁵ Kangi Umwene ālintumīle Yeso, ukuti i Lilopa Lyāke lyābagīle ukuya luhombo, luhombo lwa Lilopa, ukutendeka u kupepeka, pamo i—i nyitikisyo, pamo ukusuka. Ulubātiko lwa kusuka ukuti kingikingi. . . Komma itolo akabalilo kamokene pa lusananio, lōli “ukuya būmi bwila, ukupela ukwimila-pakati,” ukuti u Nkristi ukūmilisya ukuya mwelu pamusi na pakilo. Lilipo i Lilopa Iya Yeso Kristi ili likutendeka u—u lwitikisyo pa kipingika pala, pa. . . mu Kuyapo kwa Kyala, ili likutusuka uswe kingikingi, pamusi na pakilo, ukufuma ku butulwanongwa bōsa. Kangi uswe nubuponesyo tufīsīgwe nkati. Tufīsīgwe nkati bulebule? Nu Mbepo Mwikemo, ukubuka mu Mbili gwa Ntwa Yeso, kangi ukuponesigwa. “Umwene uyu ikupilika a Masyu Gangu kangi nukummwitika Umwene uyu ālindumīle Une, ali nu Bumi bwa bwilanabwila kangi atisakwisamo mu bulongi siku, loli akilenie ukufuma ku bufwe ukubuka ku Bumi.” Ubulongi kangi mma! U Nkristi atikubūkāmo siku ku bulongi. Kristi ābukīle mbuyo bwa umwene. Unjobelanongwa gwāngu ālīmīle mbuyo bwāngu. Umwene apepekile inongwa yāngu, ukuti une ngāmēnye. Umwene ālimbūlīle Tāta ukuti une ngāli gwakufwana, ukuti une ngāmēnye. Lōli Umwene ālinganīle une kangu Umwene ālyegīle ubuyo bwāngu, kangi āpepekīle inongwa yāngu, kangi umwisyūgu une nābwīke! Ena, nkulumba. Kangi Umwene ālyonīle i Lilopa Lyāke, ukupa pala panongwa ya mbībi.

⁵⁶ Kumbukilaga i Kitata iki kyākindaga nkilo, nayumo u Nkristi. . . u Nkristi ikonanga, lōli untulwanongwa akabagila ukonanga. Untulwanongwa atikōnānga mma, panongwa yakuti umwene yo ntulwanongwa. Umwene yo ntulwanongwa pabwandilo itolo, kangi ikyo kyo kyōsa. Apa, ega i—kunyuma kwa būku ili, ilyēne lyo lititu, bo bulinga ubutitu bwa ikyo bo butitu? Ilyene lyo mosa lititu. Bukayapo itolo nu bwēlu ku kyēne, ikyēne kyo kititu. Ugwe kuyoba, “Ubwingi *ubu* apa.” Umma, ikyēne kikaya, ikindu kyōsa kititu. Ikyēne kyo kyōsa kititu. Umo momumo untulwanongwa ali. Umwene yo itolo atāgīgwe nukwanda itolo. Ena, ugwe kuyoba, “Bule linga umwene ikusulwa ukubōmba ubulogwe? Bule linga umwene ikufulasya unkīkūlu yumo? Bule linga umwene—bule linga umwene ikulagasya? Bule linga umwene ikutusulila umundu yumo?” Iyo yo yikaya mbombo yītu. Iyo yo yikaya mbombo yītu, uswe tuli ni

ndagílo pāsi apa ukupakisya ikyo. Uswe tukaya batendekesi, uswe twe balumbilili ba Nongwainunu. Uswe tutikuntāga umwene panongwa ya iki umwene abōmbíle, uswe tutikuntāga umwene panongwa ya kubōmba ubulongwe. Uswe tukuntāga umwene panongwa yakuti umwene yo ntulwanongwa! Linga umwene yo Nkristi, umwene āngáli akabōmba ikyēne. Uko ko kutalusya. Linga umwene asanusígwe, umwene atisakubōmba ikyo. Lōli panongwa yakuti umwene yo ntulwanongwa, ikyo kyo iki kikumpela umwene ukubōmba ikyo.

⁵⁷ Apo po pāpo ikyene kikipāmānda i—i fyakwīkitikíla ukufuma palwālo lwa balulagilo. Ena, nkulumba. Nkundwe, unko une ngubūle ugwe, “Ikyene kikaya mu mbombo, lōli mu lipyana tupokígwe uswe, kangi ikyo mu lwītíko.” Ena, nkulumba. Lilino, une ndisakubatāga abakundwe abāndagílo, abēne bo bakundwe bāngu. Kangi abēne bisakuyaga kula itolo mūmo aligwesa gwa bōsa ba bēne bisakuyaga kula, ’nongwa yakuti Kyāla asūngulíle-ngānīla i Kipanga Kyāke ukuya kula. Lōli ikyene ki kindu, ugwe—ugwe kūmilílya abāndu ukuswanyukana mosa fiyo, abēne batikumanya fiki. “Umwisyugu, ena, lumo linga une—une. . .” Itolo baleka abēne bamanye; akabalilo kōsa abēne bali ni njala ya kīsu, abēne bakaya kula nukwānda itolo.

⁵⁸ Une ndikwītūgāsya gwabwanaloli ku nkasi gwāngu panongwa yakuti une ngwīnogóna umwene ikunsōsyaga une. Une ngwitūgāsya gwabwanaloli ku nkasi gwāngu panongwa yakuti une nungānīle umwene. Ubwene bo buyo bwa lulagilo ulu uswe twēgíle, ukuti uswe tugānéne yumo nu nnine. Ikyākwānda, bo ikyēne kyābagíle ukuya pala, ikyēne kyāfimbilisigwāga ukuya lugāno. Une nungānīle umwene. Palema nalinga une ngwitika linga une mbōmbíle kimo ikisóbí, umwene abagíle ukunhobokela une, pópe une ngābagíle ukubōmba ikyene mulimosa. Une nungānīle umwēne.

⁵⁹ Iyo yo njila iyi ikyēne kiyilile na Kristi. Linga une—linga une ngwitūgāsya. . . Une ndi malongo mahano, linga une nguya mūmi ukuya malongo mahano-na-mana pamo mia yumo, ndinafyo ifyinja malongo-mahano ukulūmbilila, kangi une siku ukulūmbilíla pa kabalilo, ukubūka pāsi nu kwītūgāsya pa kisōko, une mbokígwe mulimosa. Kyāla ālimbokile une ni lipyana Lyāke, kisita-mfikapo ugwa kalikosa une nābagilemo siku ukubōmba, nābombíle, pamo kalikosa akangi. Une ngulūmbilíla panongwa yakuti une nungānīle Umwene kangi une mbaganīle abāndu Bāke. Kangi iyo yo nongwa une mmenye ukuti une ngīndíle ukufuma ku bufwe ukubuka ku Būmi, panongwa yakuti une mbaganīle abēne kangi une ngubūka ukubakōnga abēne. Kisita kupasya u luko lwa bwitugasye abēne balimo, une ngubūka ukubakōnga abēne mulimosa. Būka kabēga abēne mulimōsa, bakwāba abēne mulimōsa. Linga abalūmbilili bikulwana kangi abāngi bikulwana,

kangi ifipanga-fipāgúke fikulwana, ikyo kitikunyimika une. Kilipo ikindukimo! Ikyene kikālimwīmike Umwene! Umwene alinkwisa mulamula nkati mwa kusitakwitika, kangi ikyene kikālimmwīmike Umwene, Umwene alinkwenda mulamula nkyeni mulimōsa. Ikyo kyo iki uswe tukubōmba, ukubūka panja nukubēga abēne, ukubakōla abēne mulimōsa. Kisita kupasya, fikila, kamata, kolelela na maka gāko gōsa. Ugwe akamanya iki abēne bāli. Bapoka abēne. Ikyo kyo panongwa ya lugāno. Komma panongwa yakuti “Une ngufimbilisigwa,” lōli panongwa yakuti une ngugāna, panongwa yakuti ugwe kugāna.

⁶⁰ Yoba, “Une mbagile ukubūka ukunosya kila nu nkīkulu yula, lōli, une ngukubūla ugwe lululu ulu, une ngusakikisya ’nongwa yakuti une ngubuka ku kipanga une ngulondígwa ukunosya ikyene.” Umma, ugwe gwe yūyo uyu ikufimbilisigwa ukuya kanunu, tāsī. Muketile? Muketile? Linga ugwe ukaya nu lugāno lwa Kyāla mu ndumbula yāko, ikindukimo pamo ikingi kikupela ugwe ukumanya ukuti ugwe uli nsōbi, polelo ugwe būka—polelo ugwe būka kanosye ikyēne na Kyāla. Polelo ugwe kwisanosyāga ikyēne nu mpalamani gwāko.

⁶¹ Yeso āmanyīsye ikindu kilakila. Umwene alinkuti, “Linga ugwe kwisa ku kigēmo, kangi kalipo a . . . kukumbukila kalipo akandu kamo akakulwana nu mpalamani pamo u nkundwe, buka kanosye ikyene nu mwēne, tāsī.”

⁶² Lilino, lilino mu ngulilo isi sikwisāga. Uswe twāli Pakitatu nkilo, “ukubonekela pabwēlu.” Uswe tukikolaga ikyēne ulubunju ulu, mu “kubonekela pabwēlu kwa banabalumiāna ba Kyāla.” Mu lisyu ilingi, Kyāla ikugūlīla. Kangi polelo ku bumalikisyo bwa kabalilo akabalilo kāko uswe tukwīma pankyeni pa Mwēne. Abāndūmi bakāyōngile mma. Abēne batisakumanya akikyēlélo ka sayo mūmo uswe tukubōmbéla, abēne bakāyōngilemo siku. Lōli une mmenye kūko une mfumīle, une mmenye ībwe kūko une nābūtiligwéko, u ntulwanongwa. Umwe numenye kūko umwe mwābūtiligweko. Lilino akabalilo kako uswe twāgígwe, polelo uswe tubagile ukwima pankyeni pa Kyāla. O, lyo lisiku nki lila lisakuyaga!

⁶³ Polelo bufwīkígwe, ukubūka pabuyo. Lilino, Kyāla ikubōmba iki pa mbombo. Kangi lilino linga une mbagile ukutwala iki kwa umwe, polelo uswe tukwandaga itolo lilino pa linandi lya 5, une ngulonda ukubala Ilyēne.

Buno atusūngulīle ngāni uswe ku bufwīkígwe bwa bāna mwa Yeso Kristi ku mwene, ukufwana nu Bwāke Mwēne ubwīkyéle ubununu ubwa bwīgāne bwāke,

⁶⁴ Ubwene bo bwīkyéle bwa Kyāla ukubōmba ubwīgane Bwāke, ukufwīka, ukubūka pabuyo. Lilino ngimba fiki Umwene ikubōmba? Ikibūka pabuyo i Kipanga Kyāke. Ikyākwānda, Umwene ikikōléla ikipanga Kyāke, Methodisti, Presbeteri, Luteri, Baptisti, ukubakōléla abēne. Polelo ngimba ābōmbīle

fiki Umwene? Ukutuma panja Mbepo Mwikemo kangu ukubapa abēne u lōsyu lwa Mbepo Mwikemo.

⁶⁵ Une ngulonda umwe bandu ba kiPentekosti ukwega iki panja pa ndumbula syīnu. Pentekosti yikaya kipanga-kipāgūke; pentekosti yo bwendelemo. Ikyene yo Mbepo Mwikemo. Ikyene kikaya kipanganio. Ugwe ukābagile ukupanganio u Mbepo Mwikemo. Umwene akabagila ukwima kuli ikyene. Lilino umwe muli nakyo ikipanganio iki umwe mukukikōlēla ikyo, lōli Mbepo Mwikemo ikwenda palapala ukusōkamo nukubaleka umwe mwitūgēsye palapala pāpo umwe mulipo, kangu ikukīndilīla nkyeni. Muketile? Pentekosti yikaya kipanganio; pentekosti yo bwendelemo.

⁶⁶ Kangu polelo Kyāla ābapēle abāna Bāke u Bupāpīgwe ubupya, mwa lōsyu lwa Mbepo Mwikemo. Abēne bālīsile palapala kifuki Ikyene akabalilo kāko abēne balisukile bēne mosa, ukwisila mu Nazarene, Pilgrim Holiness. Polelo kwisa mu bwendelemo bwa pentekosti, pamo u lōsyu lwa Mbepo Mwikemo, ukupyanikisa kwa fikungilwa. Abēne balinkusōka panja ukuyoba mu ndimi nukusanusya indimi, nukupīgwa ifikungilwa fya bubumbulusyo ni fika, kangu ifimanyilo ni fiswīgo fikwānda ukubakōnga abēne. Lilino abēne bo bāna, abēne bo bāna ba Kyāla. Abēne balinubuyo mwa Kristi. Abēne bikwisa ukuya bāna ukwisila mu Bupāpīgwe. Kangu u Bupāpīgwe ubupya nu lupinduko Lwēne yo Mbepo Mwikemo.

⁶⁷ Ugwe ukaya nukuya mpinduke mpaka ugwe kummwaga Mbepo Mwikemo. Ikyo kyo iki i Lisimbo likuyoba. Yeso ālīmbulīle Peteri, ndālūsya aligwesa, bala i Lisimbo lyāko, umwene agolosīgwe mukwisila mu kwitika pa Ntwa Yeso, ukuya nkongi, u ntumigwa. Yeso ālīmpēle umwene ifungulo ku Kitangalala. Kangu Yohani 17:17, Umwene alinkukemesya abēne, ukubapa abēne a maka, ukubatuma abēne panja, ukukāga imisyētāno ni findu, ukubakēmēsya abēne. “Bakēmēsyaāga abēne, Tāta, ukwisila mu Bwanalōli Bwāko. I Lisyu Lyāko lyo Bwanalōli. Une ngwikēmēsya Nīmwēne panongwa ya bēne.”

⁶⁸ Ikyo kyo limo lya masyu manyafu ukukinda aga une mbilikemo siku. “Tāta, Une ngwikēmēsya Nīmwēne panongwa yābo.” Ngimba umwe mumenye Umwene āli nu bwābūke ukuya na kāya? Umwene āli mūndu. Umwe mumenye nongwa yafiki Umwene āli nu bwābūke ukuya nu nkāsi? Umwene āli Nnyāmbāla. Umwene āli nu bwābūke ku fyosa ifindu ifi, lōli Umwene alinkuti, “Tāta, Une ngwikēmēsya Nīmwēne panongwa ya bēne. Une ngwikēmēsya Nīmwēne.”

⁶⁹ Une nāyobīle ku ndūmbilīli unnini mmayolo, une nguyaga pakundumbilīla umwene mu kilo inandi pamwanya apa pa nsebwe-nkulumba. Kangu une nālīndālūsīsyē umwene ukufwana

ikindu kimo, umwene alinkuti, “Ena, Nkundwe Branham, lōli bingi ba bāndu bāngu batikwitika mu ikyo.”

Une ndinkuti, “Kifuki bōsa ba bēne bo bandagilo?”

⁷⁰ “Ena.” Nkundwe atikwitika ikyo. “Lōli,” umwene alinkuti, “panongwa yābo!” O, une nalōndága ukufugatila ilikosi lyāke. “Panongwa yābo, muketile, une ngwikēmésya nīmwéne panongwa yābo.”

⁷¹ O, Yeso āmanyisyága abanyambala kalongo-na-mabili, ukuti ukwisila kalongo-na-babili bala bo bali bākwéga i Nongwainunu ku kisu kyapāsi. Kangi Umwene alinkuti, “Panongwa yābo une ngwikēmésya Nīmwéne.” Ipeka gwīmwéne panongwa ya mpalamani gwāko, panongwa ya munduyumo uyungi. “Komma ukubōmbéla imbombo ubwābúke bwāko ukuya kyakufwala,” alinkuti Pauli, “lōli ikemésya gwīmwéne!” Gwikolége gwīmwéne mbupalamani, ngati Nkristi ugwanaloli abagile ukuya. Unko ukuyobesania kwīnu kuyege, linga ugwe kwagana nu ndugu, ikemésyága gwīmwéne panongwa yāke, kisita kumanya iki ugwe ubagile ukubōmba.

⁷² Lilino ukubīka pabuyo u mwanundumiana. Ikindu kyākwānda ukufuma pāpo u mwanundumiana āli mula, umwene āfikilepo ukuya mwanundumiana, lōli polelo uswe tukusyagana ulwiho lwāke lo ulu lwāmbīkága umwene ku bufwīkígwe, kali umwene itugasyaga kanunu pamo mma.

⁷³ Kangi ikyēne kyo ki—ki pentekosto. . . Lilino unko une itolo mbanāngisye umwe ukuti Pentekosti akaya kipanga-kipāgúke. Balinga baBaptisti muno aba bāli baBaptisti, aba bālyāmbilīle Mbepo Mwikemo, unko uswe tukete ifiboko fyīnu. Muketile? Balinga baMethodisti aba bali muno aba bālyāmbilīle Mbepo Mwikemo, fyusya mmwanya ifiboko fyīnu. Balinga baNazarene muno bālyāmbilīle Mbepo Mwikemo? Fyusya mmwanya ifiboko fyīnu. Presbeteri, bālyāmbilīle Mbepo Mwikemo. Muketile? Luteri. Ifipanga-fipāgúke ifingi, aba bakālimo mu Pentekosti napanandi, itolo bāli nkipanga-kipāgúke kimo, bālyāmbilīle Mbepo Mwikemo, unko uswe tukete ikiboko kyako. Muketile? Popāpo polelo Pentekosti yikaya kipanga-kipāgúke, ikylene kyo bwendelemo.

⁷⁴ Lilino Kyāla ākwégile ugwe mu Mbili gwa Kristi (Lilino ngimba Umwene ikubōmba fiki?) ukufuma pāpo ugwe gwisisimikisye gwīmwéne, gwikemēsísye gwīmwéne nu lwiho lwāko ulununu, ukupilikila kwa Mbepo Mwikemo, kisita kupasya iki ikisu kikuyoba.

⁷⁵ Une—une nguyaga pakugūsa iki naloliloli nubukafu, muketile, panongwa yakuti. . . Une ndikusanusya ikylene ukuya kyāmatíngo. Une—une. . . nalamba komma—komma—komma naloliloli, muketile. Komma naloliloli ukwinogona ukuti une ne—une ne mbībi. Une—une ndikulonda ukuya. Iki kikungatasya

une, kyo kwegā abāndu nukulūmbilīla ku bēne u Bwanaloli ubutumigwe-na-Kyāla ubu, kangī abēne bisakusanukilaga kulakula kunyumba ukusyungutila kangī itolo ukukindilīla nkyeni ukubōmba ikindu kilakila, kangī ukuyoba abēne bali na Mbepo Mwikemo. Ikyo itolo kikukubongotola ugwe, muketile. Ngimba fiki fitamisye? Abene bikwisa ukugomokela ku kindu kilakila, itolo bo bana ba Israeli, abēne bālonḍāga u mwalafyāle popāpo u mwalafyāle uyu ābagīle ukulagila pamwanya pa bēne nukupela bēne ukubōmbēla bo baAmori na baAmaleki na baFilisti.

⁷⁶ Ngimba umwe mumenye, bakīkūlu, ukuti ikyene kyo kusoba ukufwāla isulubali? Ngimba umwe mumenye ikyo? Ngimba umwe mumenye ikyēne kyo kusoba ukutumulako imbulunge sya nywili syinu? Ngimba umwe mumenye ikyene kyo kusoba, nnyambala, kwa ugwe ukukindilīla ukukwesa nukubōmbēla mūmo ugwe kubōmbēla? Ngimba ugwe umenye ikyene kyo kusoba kwa ugwe ukusita kuya ndume gwa nyumba yāko, unkasigo ukwega ilyoyo panandi nukukagila ugwe panja pakifigo kangī ugwe kuyoba, “Ena, saya indumbula yāko, lūki, une ngwisaga ukugomokela”? Ngimba ugwe umenye ugwe...Ngimba ugwe ubagīle ukuya gwakupakisyā ku Nyumba ya Kyāla akabalilo kāko ugwe ukabagīla nukulagila inyumba yāko yene? Ikuo kyo katikati kotalusya. Ngimba ugwe umenye, kalumbu, ukuti undumego akaya itolo ndumego lōli umwene yo ndagili gwāko? Kyāla āyobīle lulo. Panongwa yakuti u ndumego akāsyōbīgwe, u nkīkūlu āsyōbīgwe. Kangī umwe balūmbilīli mwisakukindilīlāga ukutendeka abatimi na balumbilīli bakikikulu mfipanga fyīnu, mumemye ukuti i Lisyu lya Kyāla likupīka ikyene.

⁷⁷ Umwe mwisakumilisyaga ukubōmbēla i ngamu “Tāta, Mwanundumiana na Mbepo Mwikemo” ukōsya, akabalilo kāko kakayapo na kapatu kamokene ka Lisimbo kuli akene mwi Bāngēli. Une ngulonda u bishopunkulumba pamo umunduyumo ukunsosolela une pāpo aligwesa mu i Bāngēli alyōsigwēmo siku mu ngamu ya “Tāta, Mwanundumiana, Mbepo Mwikemo.” Une ngulonda umunduyumo ukunsosola une aligwesa alyosigwemo siku mu njila yilyiyosa palubafu i Ngamu ya Yeso. Lōli ulwa Yohani lukāli...kōsigwa, abēne bālyōsigwe ukwitika ukuti Umwene isaga, lōli abēne bakāmēnye Umwene āli yo ywani. Lōli bo abēne bākūyāgēnie ikyo, abēne bafimbilisigwe ukwisa nukuya bosīgwa-kabili mu Ngamu ya Yeso Kristi. Une ngulonda umunduyumo uku...Une—une mbalālūsīsyē aba Assemblies of God, abalumbilīli abangi, aba Baptisti, Presbeteri, na filifyosa. Abene batisa—abene batisa kuyoba isya ikyene mma. Une ngulonda ukukēta i Lisimbo.

⁷⁸ Kangī polelo une ne “mulisi,” huu, polelo une “nsyutamo,” unsitaminogona gāngu, une ne “gwākigili,” itolo panongwa yakuti une ngugela ukubabūla umwene u Bwanalōli? Lilino,

ubu bo—ubo bo bwanaloli-ndumbula, bakundwe. Linga u mündu agulisígwe panja panongwa ya Kyála, ugwe gwályúlisye ikifungilo, ubwálwa, ni lipípa. Ugwe—ugwe—ugwe—ugwe gwe—ugwe gwe ubíkigwe palubafu, ugwe gwe—ugwe gwe kipeligwa ikikíndáne.

⁷⁹ Bingi bikukòlelígwa, banandi bikusalígwa. Ena, abāndu bīngi bikukòlelígwa, ugwe kubwāga ubukòlelígwa mu ndumbula yāko, “Ena, une ngwitika Kyála anganíle une. Une gwitika Umwene ikubōmba ikyēne.”

⁸⁰ Lōli, nkundwe, ikyo, ugwe kuyaga pakuya njōnge kubutali bo bōsa abēne, panongwa yakuti abēne bisakwisa kula mu lisiku lila, pópe nukuti, “Ntwa, une ngāgíle imisyētáno mu Ngamu Yāko. Une mbōmbíle kilikyosa ikingi mu Ngamu Yāko. Une nāli ni ngomano syabubumbulusyo. Une ndūmbilíle i Nongwainunu. Une ngagíle panja imisyētáno.”

⁸¹ Kangi Yeso ikuyoba, “Sōkapo ukufuma apa, Une ngakumanya nukumanya ugwe, gwensyōbi. Ikyene yo umwene yu ikubōmba u bwígāne bwa Tāta Gwāngu!” Nongwa ya fiki abāndu bakabagíla ukukibona ikyene? Lilino, une mmenye ikyo kikugūsa. Kangi une ndiku—une ndikusanusya ikyēne ukufulasya, une ndikusanusya ikyēne ukuya i njila iyo. Lōli, nkundwe, une—une. . .

⁸² Kikuboneka kwa une ngati uswe tuli—uswe tuli ku bumalikisyo bwa kabalilo, kangi Kyála ikufwíka, ukubíka pabuyo pamwene-pamwene mu Kipanga, mu Mbili gwa Kristi, Gwāke. Lilino, batisakuyapo bīngi fiyo mmaUmwene abikile nkati mule, une ngubabúlaga umwe ikyo kukubwandilo itolo. Ugwe kuyoba, “O, ena, kwisakuyako i mbalilo ingulumba fiyo!” Lōli Umwene āli ni fyinja maelifu mahano-na-limo ukubakwāba abēne panja, bópe. Kumbukilaga, ubusyūke bukwise kangi uswe tukunyakiligwa na bēne. Itolo banandi ba abēne, muketile. Ugwe londesya mōsa ubupokigwe bwāko, nakalinga. Ikētésya gwīmwéne mōsa nukukēta iki kibūkíle mbusóbi. Muketile? Kēta itolo—itolo iki kyo kitamísye. Une mmenye ikyo kyo—ikyo kyo kikafu, lōli, nkundwe, ikyēne kyo Bwanaloli. Ubwene bo Bwanaloli bwa Kyála. Ubufwíkigwe!

⁸³ Uswe tubagíle ukuya fiyo pa moto panongwa ya Kyála, uswe tubagíle ukubūka pamusi na pakilo. Nakimo kibagíle ukuti kitwímikége uswe, kangi uswe tubagile ukuya fiyo banyafu kangi fiyo banoge, kangi fiyo bākisa kangi fiyo bo-Kristi mbūmi bwítu. Ikyēne kikwegela u būmi bwa lisiku lililyōsa. Yeso alinkuti, “Inogona isya kigála kya mungunda, mūmo ikyēne kikukulíla, ukutamigwa nukuniongotoka; lōli une nguyoba kwa umwe ukuti Solomoni mu lwīmíko lwāke lōsa akaya mfwíkigwe bo kimokyene.” Solomoni āli ni misekekesye igi gwabambikígwe ni halili ni mbombo ya kasonelo ni findu, lōli ikyo—ikyo kika. . . ikyo kikāli iki Umwene āyobelága. Ukuti ikikāli kikule,

ikyene kikufimbilisígwa pamusi na pakilo. Ngimba ugwe kwisila fiku pamwanya kunyuma apa pa bumalikişyo ubunini bwa lukindi? Linga abagolofu bo bikupokigwaga kifuki ukutāgigwa, ngimba ali pōki untulwanongwa, uyo yo nsitakwitika, kangi unsitakyala, u nnyāmbála uyu ikupilika i Lisyu, ikukāna ukwēnda mu Lyēne...? Lilino ngimba uswe tukubombaga bulebule? Muketile? Lilino ikyo...

⁸⁴ Iki kyo, lilino, iki kyo kipanga kyītu. Uswe tulinabo lumo bana pamo bahano abahesya pakati pītu. Lōli iki kyo kipanga, une ngubamanyisya umwe. Iki kikubūka pa matepi. Une ngulonda abāndu aba bikupilikisya amatepi, kumbukilaga, iki kyo ku kipanga kyāngu. Panja pakati pa bāndu panja ukukilania, gela ukuya nnyambala umololo ukufwana ukubabūla abēne ikyo, mu luko lwa kusyala mula kūko tubagīle ukubapapa panyuma mula mu tufundo twābo utunini utunandi utwālupyū. Lōli akabalilo kāko ikyēne kikwīsa ku kwāla naloliloli u Bwanaloli pāsi, unko uswe twāle Ilyēne pāsi.

⁸⁵ Ubufwīkígwe, ukubīka pabuyo pamwene-pamwene! Abēne bali kugu? Nāngīsya une pāpo abēne balipo. Kyāla ikukōléla abāna Bāke palubafu ukwisila mu kobonekela. Abene batikufimbilisigwa ukuyoba i lisyu limolyene isya ikyēne, ugwe kukēta ikindikimo kibonīke. Pamwene-pamwene ukubīka pabuyo umwanundumiana Gwāke, ukuntwala umwene ndubātiko itolo katikati ni findu filafila. Umwene—umwene yo itolo mu maka mīngi, ilisyu lyāke itolo ukuya linunu bo lya Gwāndūmi-nkulumba, linunupo. U mwanundumiana āfwīkígwe, ābīkígwe pa buyo ubufyūke, ukubīkígwa panja pala, āsanusīsye unselekesye gwāke, āsanusīsye i langi syāke. Ugwīsa āli nu lusekelo, alinkuti, “Uyu yo mwanundumiana gwāngu, ukufuma mwisyūgu umwene yo nkyungi. Umwene yo ndagili. Umwene yo ali pamwanya pa kilingo kyāngu. Fyōsa ifi une ndinafyō fyāke.” Uko ko kotalusya. Polelo uswe tukubūka ukugomokela kulakula, Elah, Elah, Elohim, Elohim, muketile, kūko Umwene yo njapo-mwēne. Kangi polelo ukugomoka ukwisila Yehova Yūyo āpelīle ikindikimo, Umwene ālīmpéle u mūndu ubulagili pa kīsu. Ngimba uswe tukugūlīla fiki? Ifya kubonekela. Ikīsu kikukoloma. Unko uswe twīse pāsi ku kyēne nukubala ikyēne. Umma ndaga.

...atusūngulīle ngāni...ku bufwīkígwe bwa bāna ku...mwene, ukufwana nu Bwāke ubwīkyéle ubununu ubwa bwīgāne bwāke,

Ku lutu-...ku lutufyo lwa lwīmīko lwa lipyāna lyāke,...

⁸⁶ Ngimba i lipyāna Lyāke lyo fiki? Kunyuma kubwandilo, akabalilo kāko Umwene ākāli ali Tāta; Ilipyāna Lyāke, ulugāno Lwāke, ālīpelīle Mwene mwāna, ukuti uswe twābagīle

ukusunguligwa ngānīla ku bufwīkígwe bwa bāna, ku lutufyo lwa lipyāna Lyāke. Muketile?

...*mūmo umwene* abōmbīle *atutēndīke uswe* bitikisígwe nu *u—u* (U Mundu) *ungānīgwa*, uyu yo Kristi.

87 Atutēndīke uswe bitikisígwe bulebule? Nu Mwene. Bulebule uswe tukwisa mwa Umwene? Nu Mbepo yumoywene, bosa bōsígwe mwa Umwene. Pilikisya.

Mwa yūyo uswe tulinako ukutabulígwa, uswe tuli nu lutablela ukwisila (i) *lilopa lyāke, ubuswe bwa* m-b-ī-b-i...

88 Ngimba ugwe kulūmbililaga bulebule ubusungulo, isya Kyāla ukusungulila ngānīla nukubīka, pene pāpo kulipo ukuhōmba ubutulwanongwa pabuyo pamo? Nongwa ya fiki ikyēne kili? Ilisiku lililyosa ugwe kutendeka ulukilanio, ilisiku lililyosa ugwe kubomba ubusóbi. Lōli linga ugwe upāpígwe kangi, nnyāmbāla pamo nkīkūlu, akabalilo kāko ugwe kutendeka ulukilanio, Kyāla amenye ugwe usulumēnie panongwa ya lwēne. Ugwe gwābagīle ukwima mu kuyapo kwa—kwa Pulezidenti Roosevelt pamo aligwesa uyingi, nukuyoba, “Une ne nsóbi, Kyāla nswaga une panongwa ya kindu iki.” Nongwa ya fiki? Kangi po kulipo u kuhomba kwa Lilopa...

89 Umwe mukukētésya yula u “m-b-ī-b-i.” Untulwanongwa yo ntulwanongwa, umwene atikubōmba i mbībi. Lōli ikipanga kikusulwa i mbībi, kikubōmba ubusóbi, kikuya na minogono amasóbi, ukupilikisya ukusóbi, kikutendeka ingilanio, kikupepeluka ngati mwāna unnini ikwenda, ukugela ukumanyila ukwenda. Umwene itolo akamanya akēndélo kanunu tāsī, panongwa yakuti umwene yo ndumiana unnini. Lōli uswe tuli ni Kiboko iki kikufikila pāsī linga uswe... kikutukōla uswe nukututoteka uswe, nukuti, “Tendeka ilikato ili injila *iyi*, mwanundumiana.” Umwene atikutupimba uswe mmwanya nukutupamanda uswe panongwa yakuti uswe tubōmbīle ulukilanio, Umwene atikutukoma uswe mpaka ku bufwe panongwa yakuti uswe tukugela ukwenda. Umwene atuganīle uswe bo mūmo uswe tukugāna abāna bitu.

90 Ugwanaloli, u bāba gwabwanaloli akabagīla ukukoma u mwāna akabalilo kāko umwene ikugela ukwenda, linga umwene ikugwa pāsī pa kipālo. Ikuffkīla palapala pāsī ni kiboko ikyāmaka ikinywamu nukumpimba umwene mmwanya, ukwegā amaboko mabili ukunkola umwene, ukuyoba, “Iyi yo njila ugwe kubōmba ikyene, mwanundumiana. Endega *buno*.”

91 Iyo yo njila iyi Kyala ikubōmbéla Ikipanga Kyake! Ikuffkīla pāsī nukummwega umwene nkiboko Kyāke, ikumpimba umwene mmwanya nukuti, “Endaga bo *ulu*, mwanundumiana. Apa, komma—komma—komma ukuyoba ikyēne bo lula, yobaga

ikyene bo *Iki*. Lilino, une ndikupāsyā iki ikipanga kikuyoba, iki *iki* kikuyoba, iki *kila* kikuyoba, ugwe kuyobaga ikyēne bo *Iki*. Bo *Iki*, iki kyo Ikyēne! Linga i Lisyu Lyāngu likulūmbilīla Ikyēne, ugwe itugasya palapala ni Lyēne, endaga ni Lyēne. Itugasya palapala ni Lyēne. Komma ukupāsyā iki aligwesa uyungi ikuyoba, itugasya palapala ni Lyēne. Endaga bo *Iki*. Iyi yo njila ugwe kutendeka amakato gāko.”

⁹² Imbībi syītu; ulugāno lwa luhombo panongwa ya mbībi syītu, kisita iki uswe āngali tukayamo siku nu lusako. Mumo uswe tubagile itolo ikwītotekele pa Masyu gala!

. . . ukufwaba nu bukabi bwa lipyāna lyāke;
Mūla mo umwene—umwene abēle. . .

⁹³ Ngimba kyo fiki “abēle”? O, mwe! Kūko Umwene *abēle*, “ifilundiko fya ikyēne.”

. . . umwene abōmbīle abēle kuli uswe mu mahala gōsa
nu mumang’anyi;

⁹⁴ “Ubumang’anyi, amahala gōsa Umwene alūndīke kuli uswe.” Na “mahala,” gōsa komma agankīsu. Amahala ga nkīsu bo butoyofu ku Mwēne, kangi u mahala ga Kyāla bo butoyofu ku kīsu. Itolo bo pamusi na pakilo, kimo kikabagīla ukwitikisania ni kinine. Lōli akabalilo kāko ilisuba likwānda ukufyuka kangi pamusi pakwisa, ikilo kikubalanila ukufuma pa buyo ukubuka ku buyo. Kangi akabalilo kāko u Bwēku bwa Nongwainunu bukwānda ukwingila nkati, ifindu fyōsa ifya nkīsu fikwānda itolo ukusima mōsa. Kangi ngimba ikyene kikubōmba fiki? Umwene ikulūndīka u Bwelubwalisuba pa bāna Bāke, ukwēnda mwa Mbepo, ukulongosīgwa nu Mbepo gwa Kyāla, ukulundikigwa mu lipyāna Lyāke, na bumang’anyi na mahala gōsa, ukupilikisya, nu bukomu ukumanya akēndēlo. Ugwe kukibona ikyene kisōbi, polelo gwāndēge iki ugwe kubombāga, mūmo ugwe. . . Linga ikyene kisōbi, gwāndēge na mūmo ugwe kusegelēla ku kyēne. Gwābumang’anyi! Yaga fīyo kifuki, naloliloli ukusisimikisya ukuti ugwe umenye akīsīlo ku kyēne. Nkomu bo njoka, mololo bo ngungubiya. Ikyo kyo iki Yeso āyobīle.

⁹⁵ O, utu to tunyafu, bīnangu! Uswe tubagile itolo ukusyala ukukindilila ilisuku ukufuma pa lisiku. Ngimba utwene tukaya tununu? Ubumang’anyi, amahala, Umwene alundikīle kuli uswe, ukonelēla panja! Komma ukutupa uswe pa supuni, lōli ālyēgīle i fosholo iyakukupulila inywāmu kangi itolo ukūmilīsyā ukusōpa ikyēne bo lula. Alūndīke kuli uswe, amahala nu bumang’anyi bwa lipyāna Lyāke! O, ilipyana iliswigīsye, akogo akanyafu bule!

Lilino, mūla umwene abōmbīle alūndīke kuli uswe mu
mahala gōsa. . . ubumang’anyi;

*Namanga afumwísye kuli uswe ikyakubutítu kya
bwígáne bwáke, . . .*

⁹⁶ Ywani uyu Umwene ikuyobako? Fipanga-fipágúke? Nalamba, bakúndwe bāngu, komma ukwinogona une ngubika pāsī ikipanga-kipágúke kyīnu, une ndikubōmba mma. Une ngugela ukubabula umwe ikyēne kyāli kindu kisóbi nukwanda itolo. Yeso āyobíle, “Būka kalūmbilíle i Nongwainunu,” uswe twābúkíle nukutendeka ifipanga-fipágúke. Iyo yo nongwa uswe tukaya nakyo Ikyēne, uswe tukukōngésya a mahala ga mūndu. Linga Calvin ābagíle ukusyuka!

⁹⁷ Fiki, une nālímíle pakaya pātali mma pa lubafu lwa lipumba lya nnyāmbála unkulumba, untendekesi unkulumba. Kangi une ndinkwīnogóna, “Yo nnyāmbála unkulumba muki umwene āli!” Umwe āli! Ena, ikyēne. . . Une ndisa. . . Ikyēne āli John Wesley. Kangi une ndinkwīnogóna, “Linga John Wesley ābagíle ukusyuka ukufuma mu lipūmba lyāke umwisyugu nukukēta akayílo ka kipanga kyāke, umwene abagíle ukuya gwasoni panongwa ya ngamu yāke!” John Wesley āli nnyāmbála gwabunyakyala, ikikoka kya moto ikinyakiligwe, mūmo umwene akikōlelága ikyene. John Wesley āli nnyāmbála umwikemo uyu itikága mwa Kyāla, nu kwenda likato pa likato ukunkōnga Umwene. Lōli ukufuma pāpo John āfwíle, abēne balinkuti, “Uswe tukupelaga ikipanga kwa John polelo uswe twisa kuyaga ni kipanga, kangi uswe twisakukikōlelága ikyēne kipanga kya Methodistī panongwa yakuti injila yāke ya kukemesígwa ukuya mbombo yakibili ya lipyāna.”

⁹⁸ Polelo abēne balinkupela i kipanga, kangi umwisyugu abanyāmbála ba kipanga bala bikukāna kilikyosa iki John Wesley īmilága. John Wesley ālumbililága ulubumbulusyo Lwakyāla. John Wesley itikaga mu lōsyo lwa Mbepo. John Wesley ītikága mu kupyānikisya kōsa ukwa fikūngíla. John Wesley, Martin Luther, bīngi ba banyāmbála abakulumba bala bāyobága mu ndimi nukusanusya. Kangi, umwisyugu, ugwe ubagíle ukuyoba mu ndimi nkipanga kya Methodistī pamo kipanga kya Luteri, abēne bisakubāyága ugwe panja pa kifigo. Ngimba kitāmísyē fiki? Mulamula mu kabalilo mūmo uswe tubagíle ukubíka pabuyo abanabalumiana, ngimba fiki fitāmísyē? Abēne bēgíle ikindukimo ikingi, panongwa yakuti abēne batikumanya ikyakubutítu kya Kyāla. Kangi abēne batisakumanyamo siku Ikyēne ukwísíla mu seminale!

⁹⁹ Unko une itolo mbále ikindukimo kwa umwe. Ngimba ikyene kili kanunu? Umma ndaga. Unko uswe tusanukile kula, une ndinakyo ikindukimo kisīmbigwe pāsī apa. Unko uswe tusyaganie mūmo Pauli. . . Lilino, apa, uyo yo mmanyisi gwa Ndumi iyi. Unko uswe tubúke ku Imbombo 9:5, itolo i miniti. Pilikisya kwa mūmo Pauli ābwāgíle u Busetuli ubu, kali kyābonike kiliku. Lilino, mwa Imbombo 9 uswe tukwānda

ukubala, bo ulu. Iyo yo kalasi ya sukulu ya Pandungu, polelo nongwa fiki mma—nongwa yafika ukusita kubala ikyēne? Unku une mmanye akabalilo kâko une ndi panja pa . . . ? . . .

Kangi Sauli, bo akâli ikutūyila panja indiliso . . . (O, kala akanini akaniongale-mbulo, akâlyoyo-lyapamwanya, aka Yuda akapafu!) . . . ukugoga ukulwana na bafundigwa ba Ntwa, alinkubūka ku mputi nkulumba,

Kangi ānyonywaga ukufuma ku mwene abâkalata ukubuka ku Damasko ku kipanga, ukuti linga umwene ābagile balibōsa . . .

¹⁰⁰ “Une ngubūka ukubalondesya abēne mōsa! Linga une mbagile itolo ukubāga abēne, miana, iki une ngubōmbāga ku bēne!” Muketile? “Linga une mbagile itolo ukubāga abēne!” Lōli umwene āli nsunguligwe ngānīla!

¹⁰¹ Ngimba ugwe kumanya bulebule yula ugwiyolo kinwelwa pāsi apa akaya nsunguligwa ngānīla ku Būmi? Ngimba ugwe kumanyaga bulebule yula ugwaiyolo umwendendeka mu ngīndi ugwe utisakuyobamo nagwe, ugwe umenye bulebule ukuti akaponanie mmaboko akanini nukunsuma umwene ukwisa ku kipanga akabagila ukupela u mwikemo gwa Kyāla ukufuma mu mwēne, kwisīlya mu Lwīmīko? Akabalilo . . . Ugwe umenye bulebule akaya mma? Ikyo kyo iki uswe tukamanya. Lōli iyo yo mbombo yītu. Bo undoba-nswi āsōpīle u lwēlo mu nyanja nukukwabila panja, umwene ātwēle ifyula, iswi, imbulu, būbi gwa mmisi, na filifyōsa ifingi, lōli fimo mwa fyēne syāli iswi. Umwene akāmenye, umwene itolo āsōpīle u lwelo. Ikyo kyo iki uswe tukubōmba. Kētēsya Pauli.

. . . anyonywaga abakalata ukubūka ku Damasko ku nyumba syakwiputilamo, ukuti linga umwene ābagile balibōsa mu njila iyi, kali abene bāli banyāmbāla pamo bakikulu, umwene ābagile ukubapinya abēne nukubatwala abēne ku Yerusalemu. (Nkundwe, umwene āli naloliloli ngāsi!)

Kangi bo umwene ikwēnda, umwene alinkusegelēla Damaska: kangi nakalinga pala palinkumulika ukusyungutila umwene . . .

¹⁰² “Pala palinkwīsa umpūti pa nsebwe, Dokotala F. F. Jones, nukuyoba ku mwene, ‘Ugwe kulondigwa u—u bwendelo bwa seminale lilino, mwanundumiana, kangi une ngwitika Kyala ābagile ukukubōmbēla ugwe.’” Ngimba ilyo lyayaga Lisimbo iliboneka-linyanyasi, ukubala ilyene bo ulo? Lilino, ikyo kyo itolo bu bwingi bwa busanusyo . . . Une ndikuyoba ikyo kukupula isunga mma. Ikyo kyo, uswe, ikyo kyo itolo bo bwīngi ubusanusyo bo iki uswe kuya nakyo ukufuma ku kyēne umwisyugu. “Ugwe umenye, u māma gwāko āli nkikūlu unnunu,

une ngusũbila ugwe kuyaga ndumbilili unnunu.” Kētesya iki kyāboníke.

Kangi bo—kangi bo umwene ālyēndíle, umwene alinkwisa kifuki na Damaska: kangi nakalinga pala palinkumulika ukusyungutula umwene ukusyungutula, u lumuli... (Whuu, kikwandako ikikinda-kipeligwa!)... u lumúli ukufuma ku mwanya:

Kangi umwene alinkugwa pāsi, kangi umwene āpilíke ilisyu likuyoba... Sauli, Sauli, nongwa ya fiki kumfwima une ugwe?

Kangi umwene alinkuti, Ngimba ugwe gwe ywani Ntwa? Kangi u Ntwa alinkuyoba ku mwēne, Une ne Yeso yūyu ugwe kufwīma: kangi icyene kyo kikafu kuli ugwe ukubāya ukulwana ni ifyakulasa.

Kangi umwene alinkutetema kangi āli nswigisigwe kangi alinkuti, Ntwa, ngimba fiki ugwe kumbaga une ukuti... mbōmbe? Kangi u Ntwa alinkuyoba ku mwene, Sumuka, kangi būka nkaya, kangi icyene kisakubuligwāga kwa ugwe iki kwisa kubōmbaga.

¹⁰³ Kangi abanyāmbála balinkwenda nu mwēne, kangi balinkukīndilíla, kangi abēne balinkummwāga u nnyāmbála. Ananiya, pāsi pala, āyibwéne imboniboni. Fyosa fikīnda-kipeligwa! Kangi ugwaiyolo Sauli, yula ugwaiyolo umiana umpafu! Ananoya uyu āyibwéne imboniboni, alinkukēta mu nyumba. Umwene āli nsololi, mu nyumba yāke, kangi umwene āketíle imboniboni. Umwene... Untwa āyobile ku mwene kangi alinkuyoba, “Alipo u nnyāmbála yumo ikwīsa ukusuluka u nsebwe ukukilania kula, itolo mfwamaso bo ilipulumūsi, kangi ingamu yāke yo Sauli, umwene yo Sauli gwa ku Tarasasi.”

¹⁰⁴ Umwene alinkuti, “Ntwa, une mbilike ifindu ifikulumba. Komma ukunduma une, une ne nnyāmbála unnini. Komma ukunduma une ukunkōnga umwene.”

¹⁰⁵ Umwene alinkuti, “Lōli, kēta, pa nsebwe gwāke ukusuluka, une nunāngísye umwene imboniboni. Une nābonekíle ku mwene mu Mbānda ya Moto. Une nuntikíle umwene itolo ukuya mfwamaso mūmo umwene abagíle ukuya. Kangi une nāfimbilisigwāga ukungóga amaso umwene nukundepulania umwene mosa bo Une ngāli ukupela kalikosa ukufuma mwa umwene. Muketile, Une nāfimbilisigwāga ukulepulania bosa ubufunda-kyāla bwāke. Ugwe umenye, umwene āli—umwene āli—umwene āli mwinitu unkulumba mi kimo mwa fipanga fila pamwanya pala. Umwene āli nu luko lwa madigri, umwene akāfimbilisigwāga ukupupúta mosa pa kalikosa mma, lōli,” Umwene alinkuti, “iki Une nāfimbilisigwe ukubōmba ko kwēga icyene kyōsa ukufuma mwa umwēne.”

106 Ikyo kyāli kyo kindu. Ikyene kikāli bika ifyākongelelāpo mwa umwene, lōli ega ikylene ukufuma mwa umwene. Une ngwinogona ikyo kyo iki kitāmisye na bābīngi aba nyāmbāla bapūti umwisyūgu; ega ukufuma mwa umwe, kūko Kyāla abagile ukubika nkati mu bēne u Mbepo Mwikemo. Egela pānja! Pala, umwene alinkuti umwene. . .

107 Kangi umwene alinkuti, “Ntwa, lōli uyu—uyu—uyu umundu yo mundu umbibi.”

108 Umwene alinkuti, “Lōli, kēta, umwene ikwīpūta. Lilino, ugwe kusulukāga ulukīndi lumo kangi ugwe kwisaga ku nyibuko. Ugwe kukīnda inyibuko yila ku kimama, kangi ugwe būka pāsi. Yikuyangapo i nyumba inyēlu, fyūka mmwanya kangi kung’usya pa kifigo. Umwene itolo alambalele mula nkati nkyumba, kula ko butali kūko abēne balintwelēmo umwēne. Bika amaboko gāko pa mwene, mwegela umwene kukisōko kya Damaska nukumōsya umwen mu Ngamu ya Yeso. Nongwa yakuti, Une ngukubūla ugwe iki Une nguyaga pakubōmba, umwene ukuyaga pakufimbilisigwa ukukubilwa ifindu fingi panongwa ya Une, kabuno umwene yo ntumigwa Gwangu ku Bapanja.” Amen!

109 “Ena, lilino, gūlila i miniti, Ntwa! Lilino, yo sukulu nki une numbūle abukeko?” Une ngukubulaga ugwe iki unko uswe tubōmbe, unko uswe tubale Bagalatia nukusyagania. Itolo unkonge—unkonge untu kulakula kunyuma. Unko uswe tumwāge Bagalatia 1, kangi twānde pa linandi lya 10, kangi unko tusyaganie yo sukulu nki Pauli ābukileko, yo seminale nki, kangi amaboko ga ywani gābikigwe pa mwēne, kangi, o, fyosa ifi fyābonike pa buyo. Bagalatia u ntu gwa 1. Ukuponesya akabalilo, unko uswe twānde ukufwana ne bupinduke bwāke, ilinandi lya 10.

Kabuno ngimba une lilino ngupepeka abāndu, pamo Kyāla? pamo ngimba une ngulondesya ukusangalusya abāndu? kabuno linga une ngulondesya tāsi ukusangulusya abāndu, une ngaya gwāmbombo gwa Kristi.

110 O, mwe, mwe, mwe! Une ndiyobapo itolo ikindukimo ikinini bo kikāli iki apa. Bagalatia 1, ega untu gwa 8. Balinga bamenye ukuti Pauli yo yūyo abapelile abāndu bala ukōsigwa kangi mu Ngamu ya Yeso, Imbombo 19? Nalōli ābōmbīle. Unko uswe twēga itolo akanini pamwanya apa, ilya 8—ilinandi lya 8.

. . . palema nalinga uswe, pamo u gwāndūmi yumo ukufuma ku mwanya, ikulūmbilila inongainunu iyingi kwa umwe ukukīnda yila iyi uswe twālumbilile kwa umwe, ndeke umwene ayege ngunigwa.

111 Ko kūgu ugwe kuyaga i Nongwainunu iyi, Pauli? Ilinandi lya 9.

...uswe twāyobīle, momumo nguyoba une lilino kāngi, Linga u mūndu aligwesa ikulūmbilīla i nongwainunu iyīngi kwa umwe ukukinda yīyo iyi umwe mubombīle mupilīke, mwalyāmbilīle, ndeke umwene ayege ngunīgwa.

¹¹² Linga umwene yo gwāndūmi-nkulumba, linga umwene yo bishopu, linga umwene yo nkēti-gwapamwanya gwafyosa, linga umwene yo Dokotala *Gwakuti-na-gwakuti*, kali umwene yo ywani, linga umwene atikulūmbilīla u lōsyō lwammisi mu Ngamu ya Yeso Kristi, u lōsyō lwa Mbepo Mwikemo, atikulūmbilīla ulupyānikisyo lwa fikungilwa, u Kwisa kwa Kristi, ifindu fyōsa ifi, ndeke umwene ayēge ngunigwa! Linga umwene ikugela ukwega lililyosa lya Lisyu ili apa kangi kuyoba ilyene lyāli lya lisiku ilingi nukulibīka ilyēne ukukilania pa yimo imbya ifundo insitakupilikisīgwa iyi uswe twamanyile ukufuma ku seminali yimo, ndeke umwene ayege ngunigwa!

¹¹³ Unko uswe tubale pa, kēta mūmo Pauli ākyāgīle ikyēne, keta mūmo, iki une ngugela ukuyoba kwa umwe ulubunju ulu.

Kabuno ngimba une lilino ngupepeka abāndu, pamo Kyāla? pamo ngimba une ngulondesya ukusangalusya abāndu? kabuno linga une tāsi nasangulusyāga abāndu, polelo une ndikuya gwāmbōmbo gwa Kristi.

¹¹⁴ Ngimba une mbagīle ukugūlīla kalikōsa, ngimba abagīle bulebule u mūndu uyu ānganīle Kyāla, kangī undūmbilīli, fīyofīyo, ukugūlīla ukubōmba kalikōsa lōli ukuya mbengigwe nu mūndu? Abāndu bisakukubenga ugwe. Ena, abēne balinkuti. . . Yeso alinkuti, “Linga abēne bikungōlēla Une, u Fundi gwa nyumba. . . Une ne Fundi, unkulumba ukukinda gwa mwesa ba umwe. Une ne Yūyo na mbāgīe ukubōmba ifika kangī ukubōmba fingipo na MbepoMwikemo ukukinda mwesa ba umwe, panongwa yakuti Une ndinabo ubwisusye bōsa mwa Une. Kangī linga abēne bikungōlēla Une ‘Belezebabu,’ bo bwingipo buki bisakukukōlelāga abēne umwe? Lōli,” alinkuti, “komma ukwega ilinogono nalimolyene iki ugwe kwisakuyobaga, kabuno ikylene kitisakuya ugwe uyu ikuyoba, ikyene kisakuyaga Tāta uyu ikwitūgāsya mwa ugwe, ikubōmba ukuyoba kula akabalilo kala. Itolo itugasyaga palapala ni Lisyu.” Kangī Umwene, akabalilo kāko Umwene āfikilepo ukumalīsyā ukusimba Būku, Umwene alinkuti, “U mūndu aligwesa uyu isakwēga i Lisyu limolyene ukufuma mwa Būku uyu pamo ukōngelelako i lisyu limolyene ku Lyēne, yulayula isakwegīgwaga ukufuma mwa Būku gwa Būmi, kuli umwene.” Kyāla atutule uswe ukwitugasya nubutalusye ni Lyēne!

¹¹⁵ Lilino ilinandi ilikōnge, unku une mbāle lilino, mbāle nakalinga lilino.

Lōli une ngusisimikisya. . . (Ikyo kyo, kikukwēgēla ugwe ku Bulongi.) Une ngusisimikisya umwe,

bakundwe, ukuti i nongwainunu iyi yālumbililigwe na une yikaya kufuma ku mūndu.

“Lilino, une ngaya pamo gwa Methodisti, mBaptisti, mPresbeteri, pamo mPentekosti; ikyēne kikāli nongwa ya mūndu. Napamo . . .”

Kabuno une napamo nālyāmbilile iyene ukufuma ku mūndu, napamo namanyisigwe une iyēne, . . .

116 “Une ngālyāmbililēmo siku iyene ukufuma mūndu, komma ku seminale, komma kwa dokotala, komma ku bwakyala, komma ku sukulu ya bumanyili. Une ngālyāmbililemo siku iyene injila iyo, une ngamanyisigwēmo siku iyene injila iyo, une ngayagilēmo siku iyene injila iyo, iyene yikālisilēmo siku kwa une mu njila iyo.” Ngimba iyene yālisile bulebule polelo, Pauli?

. . . ukumanyisigwa iyēne, lōli ukwisila mu busetuli bwa Yeso Kristi.

117 “Akabalilo kako Kristi ālisetwile Mwene kwa une, ukuti Umwene āli yo Mwanundumiana gwa Kyala, akabalilo kāko i Mbānda ya Moto yila yāgwile pa une ilisiku lila, une ndinkuti, ‘Yogwe ywani Ugwe, Ntwa?’ Umwene alinkuti, ‘Une ne Yeso.’”

118 Lilino, une ngubanāngisyāga umwe iki—iki kyābonike ku mwene. Lilino, lululu ulu linga u mwinitu āli nu bwendelemo, abēne bikulōndāga ukumpa umwene ifyinja kalongo ukumanyila i kiGiriki, kangi ifyinja kalongo ifyākōngelēla ukumanyila ikindukimo ikingi, kangi ukufika akabalilo kala umwene akīndīle. Kēta.

. . . napamo mma nālyāmbilile iyene ukufuma ku mūndu, napamo namanyisigwe une iyene, lōli ukwisila mu busetuli bwa Yeso Kristi.

Kabuno umwe mupilike isya kāngu akapāngo mu kabalilo kunyuma mu bwa kiYuda ubwīpūti, . . .

119 “Une nāli u dokotala unywāmu, ndumiana. Une nāli nakyo ikyēne.” Umwene āmanyisigwe pāsi pa Gamalieli, u manyisi ugwapamwanya ukukinda uyu abēne bāli nagwe nkīsu. Balinga bamenye ukuti Gamalieli āli yumo gwa bakulumba, abamanyisi abakulumba ukukīnda? Ena, nkulumba. “Ubwīpūti bwāngu bwa kiYuda, ndumiana, une nāli nabo pāsi; une nāmenye fyosa akayobelo ka Kimanyisyo kya Batumigwa kangi fyosa ifindu fila, umwe muketile. Une nāmenye akayōbēlo ka nyīputo sya ndubunju syōsa kangi ukusaya abāndu.” Muketile?

. . . mūmo fikuti ukukīnda ubupime polelo une nafwīmīle i kipanga kya Kyāla, kangi nakyōnangīle ikyēne:

“Mūmo fikuti une nāgelile ukubīmīka ikipāmbō kila ikya bīkēmo—babunguluka!” Muketile? Muketile?

Kangi une nākabīle mu bwa kiYuda ubwīpūti. . .

¹²⁰ “Une nāli mundu unkulumba. Ndumiana, une naloliloli . . . une nākabile, une nabanāngisye abēne une nābagīle ukubatika abēne pāsi, ’nongwa yakuti une nāgōgīle Stefano ni kubugutila kyōsa ikya ifindu fingi une nābōmbile. Kēta mūmo une nābōmbile!” Mūmo fikuti ukukīnda ubupime umwene afwīmīle!

Une nākabile mu bwa kiYuda ubwīpūti pamwanya pa bīngi abafwana na une nkikolo kyāngu nīmvene, ukuya ukukinda nubwīngi gwakusukulika gwa nyiho sya bābo abatāta.

¹²¹ Lilino, kumbukilaga, komma i Lisyu Iya Kyāla, “u lwiho lwa batāta,” u lwiho lwa kipanga, mmasyu agangi. “Une ngusakikisya une nāli gwa Methodisti ku ndumbula, une nāli gwa Baptisti ku ndumbula, une nāli gwa Pentekosti ku ndumbula.” O, ugwe uli? Une ngulonda ukuya Kyāla ku ndumbula. Ena, ikyo kyo kyene. Muketile? Umma ndaga.

. . . inyiho sya batāta.

Lōli akabalilo kāko ikyēne kyangalwīsye Kyāla, . . . (o, o, Pauli, apa ugwe kwīsa) . . . yūyo alimbagwīle une ukufuma mu mbapo ya māma gwāngu, yūyo kangī ālīndwēle une ku kīsu iki, kangī ālingōlīle une ukwīsila mu lipyana lyāke,

Ukusetula u Mwanundumiana gwāke mwa une, . . .

¹²² Ngimba ikyo kyo fiki? “U Mbepo Mwikemo mwa une! Ikyēne kyālīnkylīle Kyāla ukunyēga une, yūyo ālimbāgwīle une ukufuma munda mwa māma gwāngu, nukumba une u Mwanundumiana, uyu yo Mbepo Mwikemo mbubumbe mwa Mbepo, mwa une, ukwisetula Mwene mwa une.” O, mwe! Whuu! Une—une—une ngwitika une ngulonda ukuywega itolo panandi.

¹²³ Kēta, unko une ngubūle ugwe, nkundwe. Akabalilo kāko ikyēne kyālīnkylīle Kyāla! O, haleluya! Akabalilo kāko ikyene kyālīnkylīle Kyāla! U tāta kinwelwa. U māma . . . Kyāla akusaye ugwe, māma, une ndikuyoba nakimo ukulwana na ugwe. Lōli u māma uyu akāmēnye nakamo akingipo ukufwana ni fya Kyāla ukukinda mūmo kalulu āmēnye isya filato-fya-matalala. Kangi u tāta uyu ālambalāga agālīle mu ngindi. Kangi kisita kuya ni filato ukubūka ku sukulu, kangi inywili indali pāsi pa makosi gāngu, kangī aligwesa ālimbengīle une panongwa yakuti une nāli gwa kiKentucky ukukilania kuno ku Indiana. Kangi mūmo, o, mūmo ikyēne kyayīlīle itolo ukuboneka ukunūnge. Lōli ikyēne kyālīnkylīle Kyāla! Ameni! Ikyēne kyālīnkylīle Kyāla, Yūyo ālimbāgwīle une ukufuma munda mwa māma gwāngu, ukuti Umwene abagīle ukusetula u Mwanundumiana Gwāke mwa une, ukwīsila ukupela u gwambombo gwa Lisyu, ili lyābagīle ukwima itolo ukutalula ni Kyēne, ili lyābagīle ukunāngisya imboniboni ni fimanyilo ni fiswigo ni fika. Kangi, o, mwe!

124 Muketile iki Umwene āyobelaga? Ikyēne kyālinkyēlile Kyāla ukubōmba ikyo! Bulebule? Pilikisya kifuki. “Uku setu- . . .” Ega ilinandi lwa 16 lilino.

Ukusetula u Mwanundumiana mwa une, ukuti une mbagile ukulūmbilila umwene pakati pa basitakyala; nakalinga une ngālyāgéne mma ni kipanga:

125 “Une ngābukilémo siku kwa bishopu aligwesa nukundālusya umwene iki une mbagile ukubōmba. Une ngābukilémo siku ku guligōsa u mbili ni lilopa, ifibugutila filifyōsa pamo kalikosa akangi. Une nasiku ngāli na kalikōsa akakubōmba ba bēne. Une ngālyāgenémo nu mbili ni lilopa. Pamo ngābūkilémo une kula ku Yerisalemu ku bōsa abakulumba abapūti abikemo kangi abatāta abikemo, kangi bosa bala, nukuti, ‘Lilino, umwe mumenye, une nāli ni mboniboni, ngimba mbombe siliku isya iyēne? Une nālimbwēne unsayigwa Ntwa Yeso mu mboniboni.’ Abēne āngāli bātīle, ‘Sokāpo apa, ugwe! Kyo fiki iki . . . Ugwe mwikemo-mbunguluke! Ena, ngimba kibonike fiki kwa ugwe?’ Umma, une nāli na madigri gābo ukwanda itolo. Nāli . . .”

126 Kangi Pauli alinkuyoba kubwa kuno, une mbagile ukubanāngisya umwe mu Lisimbo, ukuti umwene āyobīle umwene āfimbilisigwe ukwībwa kilikyosa iki umwene āmanyilémo siku, nukukyēga ikyēne ukuya nakimo, ukuti umwene aabagile ukummanya Kristi. O!

Pamo ngābukilémo une kula ku Yerisalemu ku bēne bābo bāli batumigwa pankyeni pa une; lōli une nābūkīle ku Arabia, kangī ukusyumbutuka kangī ku Damaska.

Kangi ukukinda ifyinja fitatu une ndinkubūka ku Yerisalemu ukwakumbona Peteri, nukwitugasya nu mwēne amasike kalongo na mahano.

127 Kangi bo uswe tukukindilila ukubala, uswe tukusyagania ukuti umwene nu ntumigwa Peteri bakalyāgenémo siku yumo nu nnine mbūmi, nasiku ukumanyana yumo nu nnine, nasiku ukubonana yumo nu nnine, lōli akabalilo kāko abēne bikwisa palikimo abēne bālumbililāga i Nongwainunu yimoyene. Kyāla alinayo i sukulu. Muketile? Ena!

128 Apa ālipo Peteri, ālīmīle pamwanya pa Lisiku lya Pentekosti, alinkuti, “Pinduka, aligwesa gwa ume, yaga bōsīgwe mu Ngamu ya Yeso Kristi, kubusyūle bwa mbībi syīnu, umwe mwisakwambililāga i kikungilwa kya Mbepo Mwikemo.”

129 Filipu alinkuyoba, “O, mūmo kiyīlile kyālŵīmīko iki! Une mbagile ukubōmba ikindukimo nīne. Ukusuluka ku . . . Une ndinako ukukōleligwa ukusuluka ku Samaria.” Alinkubuka pāsi kula nukwanda ukubīkīla ubukēti mu lukindi. Ikindu kyākwānda, u mūndu umbine ikwisa pala, ikwāla amaboko pa mwēne, kangī ikwanda ukunyelanyēla nukunyēla. Alinkuti,

“Lwĩmiko kwa Kyāla, apa uswe tulipo!” Alinkwanda ukuya nu lukomano ulunywamu. Umwene alinkuti, “Umwe mwesa mukulondigwa u Mbepo Mwikemo.” Umwene alinkuti, “Iki umwe mukulondigwa ukubōmba, umwe mukufimbilisigwa ukōsigwa mu Ngamu ya Yeso.” Polelo umwene ābēgīle abēne, aligwesa, panja pala nukubōsya abēne bōsa mu Ngamu ya Yeso. Alinkuti, “Isaga, Peteri, bika amaboko gāko pa bēne lilino.” Kangi abene balinkuya na Mbepo Mwikemo.

Peteri, pamwanya pa nyuma ya Korneli, injila yilayila.

¹³⁰ Pauli na siku nukumbonāmo umwene pamo ukupilikamo nakimo ikya umwene. Lōli umwene ākindīle ukwisila ifiloboko fyapamwanya ifya Efesi, nukubāga abafundigwa bamo. Umwene ālimmwāgīle u ndumbilili gwa kiBaptisti, umwene āli, Apollo, ugwandagilo umpinduke, nkomu, gwamahala, ukwega u Lwitikano Ulukūlu nukusimikisya ukwisila mu Lyēne ukuti Yeso āli yo Mwanundumiana gwa Kyāla. Ena, nkulumba, umwēne āli nkomu. Kangi abēne baywēgāga, abēne bāli nu busangulufu. I Bāngēli lyāyobīle lūlo. Bala untu gwa 18 nu gwa 19 ugwa Imbombo kangi kēta linga ikyo kyo kikayaga kitalusye. Abēna bāli nu busangulufu, abēne bāmogāga mwa Mbepo, nukubopabopa ukusyungutila, umwe mumenye. Pauli alinkuti, “Lōli ngimba umwe mwambilīle Mbepo Mwikemo ukufuma pāpo umwe mwālītīke?”

¹³¹ Kangi kwa umwe bakundwe ba kiBaptisti mwe mukugela ukukifimbilisīya ikyo pāsī pa milo gwa bāndu, kangi lyāyobīle ilya kiGiriki ikyapakwanda lyāyobīle, “Ngimba umwe mwālyāmbilīle Mbepo Mwikemo ukufuma pāpo, pamo *akabalilo kāko* umwe mwālītīke?” Une ngubasasania umwe ukutwala ku myangu ilya ki Giriki! Une ndinalyo ilya kiGiriki ikyāpabwāndīlo mu bwenenalyo. Une ndinalyo ilya kiAramaiki, kangi ikiHiburi, lyōpe. Lililyosa limo lya agēne likuyoba, “Ngimba umwe mwāmbilīle Mbepo Mwikemo *ukufuma pāpo* umwe mwālītīke?”

¹³² “Nu lwītiko umwe mupokigwe,” ulo lo lwītiko mwa Kyāla. Ili Lopa likukyunga ugwe ukuya mwelu ukufuma ku butulwanonga, panongwa yakuti ilyēne lukupela ilikemo. Ili Lopa litikukupōka ugwe, ili Lopa likukukyunga ugwe uyege mwēlu. Ugwe kupokigwa bulebule? “Nu lwītiko ugwe upokigwe,” kangi ikyo nu kumanyila-ngānīla kwa Kyāli ikukukōlēla ugwe. Ugwe upokigwe, kangi ili Lopa likutendeka uluhombo, kingikingi ukukukyunga ugwe uyege mwēlu. Kangi poleli nu Mbepo yumoywene umwe mōsigwe mwa Mbepo Mwikemo, mu bulilansi bwa bitiki, kangi mu bulilansi bwa Mbepo Mwikemo, ukulōngosigwa nu Mbepo, ukubomba ifimanyilo, ifiswīgo.

¹³³ Gūlīla, ukwisa pala, ukugūlīla ikindikimo, itolo akanini panandi uswe tukukyāga ikyēne, kusūbīla uswe tukubōmba

mulimosa. Une ngubulile ugwe ukungōléla une pa kabalilo aka, bule icyene? Kyābonike itolo ukuti une ngētile ku kyēne. Itolo i—itolō i lisyu pamo mabili ukongelelāpo. Itolo i . . . Ikyēne kyo—ikyēne kyo akayabo kanini ukōngelelāpo.

¹³⁴ Ngimba bwāli butali bule ubupokigwa ubu, butali bulebule? Lo luko luki ulwa bupoigwe? Ukufuma ku kipanga ukubuka ku kipanga? Ukufuma . . . Unko uswe tusanukile ku Bahiburi 9:11, itolō—itolō ukuketa ukuti tubone bo butali bulebule, itolo ku maminiti manandi. Sanukila kula kwa Būku gwa Bahiburi kangi unko uswe—unko uswe tusyaganie itolo bo butali bulebule u bupokigwe ubu bukumalika. Kēta lo luko luki ulwa bupokigwe ubwene buli. Unko uswe tubāle lilino Bahiburi 9:11.

Lōli Kristi ukuya mpūti nkulumba gwa findu finunu ifi fikwīsa, ukwīsila mu ingulumbapo kangi inyumba imbelelesye ukukindapo, insitakubūmbigwa na maboko, ikyo ko kuyoba, . . . (Lilino uyu yo mmanyisi yulayula, Pauli, muketile.) . . . komma isya i nyumba . . . nyumba iyi;

Pamo mma ukwīsila mu lilopa lya mbene pamo ingwata, lōli ukwīsila mu lilopa lyāke mwene umwene abōmbīle ingile nkati kamokene (kalinga? Kamokene!) ku ubuyo ubwikemo, namanga ākabīle . . . (ubupokigwe ku ndungu, ubupokigwa mpaka ulusasanio ulukōnge? Lo luko luki?) . . . ulutabulo lwa bwilanabwila kuli uswe.

¹³⁵ Ngimba i lisyu lya “Bwilanabwila” likusanusya fiki? Mwa Kristi, ukufuma pāpo une nītike . . . Nayumo u mūndu abagīle ukunkōléla Yeso, “Kristi,” kwene ukwisila mwa Mbepo Mwikemo. Polelo filipo ifibugutila fitatu ifya bāndu: basitabwītiki, bakwibīka-bitīki, kangi bītīki. Lōli abēne bābo aba bītīke ku Būmi Syēpwa, bīngīle mu fyumba fila.

¹³⁶ Ega inyumba yakwiputilamo iyaiyolo, ngimba kyāli fiki ikindu icyākwānda abēne bābōmbīle? Ukwingila mfyumba, a Bāpānja. Ikikonge kyāli ikigemo kya mkuba, pāpo abēne bāsukāga ilikemo pa litubwe lya golidi. Ikikonga kyāli ko kugoga kwa likemo, nukunyafila ililopa pa kigemo. Polelo, kamokene pa kinja, Aaroni onelelāga, o, (ni fiki?) ni linūngisyo lya Bulenge bwa Sharon, na mafuta amapala aga gāli nu lūma mu gēne, abēne bōnelāga agēne pantu gwāke, agēne gābūkāga ukusululuka mpaka ku kūsūlo kwa nselekesye gwāke. Kētēsya lilino u nnyāmbāla uyu āfimbilisigwāga ukubūka nkati kunyuma kwa fikingo, kamokene pa kyinja, ukupimba pankyēni pa mwene ililopa lya ku Kikota kya Kisa. Kangi umwene ālyegīle ingili yāke nkyinja kimokyēne nukwibwa iyēne. Bo abēne bābūkīle ukugomokela ku yēne, iyēne yāmelīle mōsa nukuteketa. Ingili ingūlu iyi umwene āpimbāga lumo ku fyinja malongo mana mu lulangalanga, ayilambalīke mula mu Buyo Bwikemo! Kētēsya, akabalilo kāko bala bālyegīle ililopa lila

ilya lwĩtikáno, ililopa, umwene ápakígwe. Kangi umwene áli ni myenda afwele igi gyáli nu tubángala twa njisi utunini mu gyène, ilikomamanga ni njisi. Kangi u nnyámبالا yula áfimbilisigwága ukwenda mu njila yimo ukuti akabalilo kōsa umwene endesyaga ikilundi kyáke, kangi ukwenda bo *ulu* nukupela ilikato lyáke, ifyène fyakubaga, “Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa.” O, mwe!

¹³⁷ Ngimba une nguyoba isya fiki? Pilika Ikyene, Branham Tabernacle! Umwe mufumile pakuya nu lusako lwĩnu. Bo u mũndu kamokēne onelelígwe nu Mbepo Mwikemo, ukuti afwíkígwe mu nnikolo kya Kyala, ukuti abikígwe pabuyo pamwene-pamwene na Tāta, nukubíkígwa mbubōmbela panja apa, mu bwígane bwáke bwa būmi, pamo iki Kyála ankōlelĩle umwene, ukwenda kwáke kubagĩle ukuya “Mwikemo, mwikemo, mwikemo, kwa Ntwa. Mwikemo, mwikemo, mwikemo!”

“O, ugwe kufimbilisigwa ukusanukila kulubafu ku *iki* kangi yaga . . .”

“Mwikemo, mwikemo, mwikemo, kwa Ntwa.”

“O, ugwe kufimbilisigwa ukwitika kilikyosa iki unkulumba-gwa-kipamba áyobĩle, *iki*.”

¹³⁸ Lōli, “Mwikemo, mwikemo, mwikemo, kwa Ntwa.” Unko i Lisyu Lyáke liyege lyákwánda, unko Ilyène liyege kilikyosa iki kiliko, uyubisígwe, usēngēme mu ndumbula yáko! Ubwendelo bwáko bukufimbilisigwa ukuya kwa mu Lisyu. “Mwikemo, mwikemo, mwikemo, kwa Ntwa.”

¹³⁹ “O, linga ugwe itolo kwisaga ukukilania kuno! Une ngukubulága ugwe ifi uswe tukubōmba, uswe twisakupāngānia, ukukubika ugwe mu kipānganio kyĩtu, ugwe kwisakuyaga u nnyámبالا unkulumba.”

¹⁴⁰ “Mwikemo, mwikemo, mwikemo, kwa Ntwa. Mwikemo, mwikemo, mwikemo, kwa Ntwa,” ukukĩndilĩla nkyeni, kitikupela ubukĩndáne nabumo iki aligwesa ikuyoba, ubagĩle ukugomosya amatepo aga.

¹⁴¹ “Bomba *iki*, bomba *iki*, bomba *iki*, bomba *iki*, i *kingi*.”

¹⁴² “Mwikemo, mwikemo, mwikemo, kwa Ntwa.” Ugwe uli na māsō gāko galulalĩle kwa Kalvari, kangi kikayapo nakimo kikuyaga pakukwĩmĩka ugwe! Bu bwendo bwa būmi bwáko, ugwe kwenda pāsĩ pa Nsebwe-nkulumba gwa Mwalafyále, gōnelelígwe na mapala a Mafuta agakōnelela, kubúka nkati Mbwikemo bwa bwikemo. Whuu! Ameni. Umma ndaga.

¹⁴³ Pauli áyobĩle umwene akályēgĩle Iki ukufuma ku mũndu. Lilino ngimba umwene ikuyoba fiki, ukugomokela ku Bagalatia, ikimanyisyo kyĩtu? “Bo atēndĩke ukumanyisigwa kwa uswe ikyakubutĩtu kya bwígane Bwáke.” Ngimba u bwíganu Bwáke

bo fiki? “Atëndiki ukumanyigwa ifyakubutitu fya bwigáne Bwáke.” Umwe mwe mukusimba, ilinandi lya 9. Lilino une nguyaga pakubopela papapa nakalinga nukukimala iki mōsa, ’nongwa yakuti uswe tutumukilwe.

144 O, i Lisyu lililyosa lyo fiyo i...?... O, i Lisyu lililyosa lyo tunyafu. Ugwe ubagile itolo ukwēga Ilyēne nukukindilila itolo ukulipuputa Ilyēne. Ugwe ubagile ukukumba, une mbagile... Ugwe ubagile ukwēga limo mwa Masyu gala ukufuma mula, ukwegela ilyene kula ku Bwandilo nukulipuputa ilyene, ukwegela ilyene kwa Ukusōka nukulipuputa ilyēne kangi, ugwe ubagile ukulyēgela ilyēne kwa Levi nukulipuputa ilyēne kangi, kangi, akabalilo ugwe kufika ku Busetuli, Ilyene lyo kayabo kalikosa yo Yeso! Amen. Ugwe unagile itolo ukulipuputa ilyēne nubukafu mūmo ugwe kulondela, ikyene kisakuyaga Yeso akabalilo kāko ugwe kutika—akabalilo kāko ugwe kutika Busetuli. Kabuno, Umwene ātle, “Une ne Umwene uyu Āli, Uyu Ali, kangi Isa Kwisaga. Une ne Nsisi kangi Kimela gwa Davidi, i Ndongwa Lubunju. Une ne Alfa, Omega.” Ikyo kyo A ukubuka ku Z mu alfabeti ya kiGiriki. “Une ne ukufuma A ku Z. Une Yone! Une ne Mōsa-na-mōsa.” Uko ko kotalusya. “Une ne Umwene uyu āli nu būmi kangi nāfwile, kangi ndi mūmi kubwilanabwila. Une ndinasyo ifungilo sya bufwe na gehena.” O, mwe! Akanyafu kalikōsa ugwe kusala muno nugwenda ukupuputa akene, akene kisakupuputigwa mulamula mwa Yeso.

145 Lilino, itolo panandi ukukabilapo kangi polelo uswe twisa—uswe twisa—uswe twisa—uswe twisakwīma. Ena. Ngimba uswe tukugūlila fiki, lelo? Ngimba ugwe uli muno ndukomano panongwa ya fiki? Ngimba ifundi ya ikyene yo fiki? Ngimba i kīsu kikukoloma panongwa ya fiki? Ngimba ipufulilo ya atomiki yipayikigwe kwisilia panongwa ya fiki, ngimba aba molekylulu na ba atomu bo fiki? Kangi, o, ngimba ikyene kyo mōsa kya fiki?

146 Sanuka, Baroma gwa 8, itolo i miniti. Ngimba ikyēne kikugūlila fiki? Ngimba fyosa ifi ukugūlila panongwa ya fiki? Ngimba ko kabalilo kaki? Baroma, unto gwa 8, kangi unko uswe twānde nukubala kangi ukubala ukufwana ni, o, une mbagile ukuyoba ugwe lwele-... Unko uswe twānd mula kifuki ugwe lwele na li-... ilinandi lya 19, kangi itolo—itolo ukubala itolo apa ukuti tupele ikyene—tupele ikyene naloli kinyafu. Uko ko kotalusya. Une mmenye kūko umwe mukubūkāko kula. Umma ndaga. Baroma, untu gwa 8, une ngusūbila une ndalwisye lilino. Ena, nkulumba. Untu gwa 8, kangi unko uswe twāndeko apa kifuki ilinandi lya 18. Unko itolo twāndeko pa linandi lya 14.

Kabuno na bu bwingi bwa aba bikulongosigwa nu Mbepo gwa Kyāla, abēne bo...bānabalumiana ba Kyāla. (Uko ko kotalusya.)

Kabuno umwe mukāmbilila i mbepo ya bupinyigwe kangi ku lutende;...

147 “O, nguswiga linga une mbagile itolo ikwikasya. Ooo, linga une mbagile itolo ukwikasya lilino!” Ukwikasya nakimo! Ikyene kikaya ukuti kali une nalikasisye, ikyene kyo kali Umwene alikasisye. Une ndi mwa Umwene lilino, muketile.

148 Ena, ugwe kuyoba, “Ena, linga une ndi mwa Mwene!” Lilino umwe—umwe baPresibeteri mukuyoba, “Aa, uswe akabalilo kosa tukwitika Ikyo.” Loli u bumi bwinu bukusisimikisya ukuti umwe mutikwitika, pene papo umwe mukwenda mu luko lwa bumi Umwene ayendile, umwe mukwitika i Nongwainunu yilayila Umwene alumbilile.

149 Ugwe kuyoba, “Aa,” u gwaBaptisti ikuti, “nalololi, une ngwitika mu buponesigwa bwa Bwilanabwila.” Kangi ukubuka panja nukwakukwesa ingambo nukubopela ku fimogo, kangi abakikulu ukutumula inywili syabo, ukupaka ilangi ifisyo fyabo nu kubombela bo une-ngamanya-kiliku? Ifipaso fyinu fikusisimikisya ugwe utikwitika Ikyene.

Akabalilo kako une nguyoba, “Ngimba ugwe kwitika mu bubumbuluso Bwakyala?”

“O, Dokotala Jones ayobile ikyene kyali lulo, ikyo kyali mmasiku ga kunyuma.”

150 Lilino, ugwe unyobi! Ngimba fiki fitamisye na ugwe? Ugwe gwe mpelakisa mwanike gwakigili. Ugwe uli kubutali fiyo ukufuma ku Nongwainunu mpaka ikyene kyo kipelakisa. Ugwe usosigwepo pa njila ukubuka mu nsebwe gwamatipa gumo ku butagilo ifinyanyasi kumo. Ngimba utikukibona ugwe apa iki Umwene ayobile? Ukuti, imbepo yiliyosa iyi yikwitikisya ukuti Yeso akisa mu mbili lululu ulu, yo mbepo inyali. Ilibangeli liyobile Yeso Kristi yo yuyo mmayolo, umwisyugu, na bwilanabwila. Iki Umwene ayobile lula, Umwene ali lilino, Umwene ali akabalilo kalikosa bo lula. Itolo pilikisya.

Namanga uswe tukambilila i mbepo ya bwaminyololo kangi kulutende; loli umwe mwambilile u Mbepo gwa i . . . [Ikilundilo kikuyoba, “Bufwikigwe.”—Nsimbi.]

151 Lilino, ukufuma papo ugwe ufwikigwe, syosa kanunu, ukufuma papo ugwe ufwikigwe. Ugwe ubikigwe, polelo ugwe kupilikisya, ukufuma pa lusekelo lula luyobigwe kangi ugwe ubikigwe nkati mu Mbili nubutalusye. Ugwe gwe mwanundumiana, naloli, u mwanundindwana, akabalilo kako ugwe upapigwe kabubili ugwe uli ikyo, ikyo kyo bupapigwe bwako. Loli lilino ugwe ubikigwe pabuyo pamwene-pamwene.

Uswe tukambilila i mbepo ya . . . lutende; loli uswe twambilile u Mbepo—uswe twambilile u Mbepo gwa bufwikigwe, kuko uswe tukukuta, Abba, Tata. (Iki kokuti, “Kyala gwangu.” Umma ndaga.)

U Mbepo mwene ikupimba ubuketi nu mbepo gwitu, ukuti uswe tuli—uswe tuli bana ba Kyala:

152 Ngimba ikyēne kikubomba bulebule? Ugwe kuyoba, “Lwīmiko kya Kyala! Haleluya! Ikyene kitikundamia une, une ne mwāna gwa Kyāla,” kangi ukusōka panja nukubōmba ifindu ifi ugwe kubōmba? U Mbepo gwa Kyala ikubomba imbombo isya Kyala.

153 Yeso ātīle, “Umwene uyu ikwitika mwa Une, imbombo isi Une ngubomba isakubombaga yope.” Muketile? Muketile?

154 Linga—linga—linga—linga umpesa gucusōka nukutwala ikipambo kya mipesa, kangi ikikonge kikusōka nukutwala ikipambo kya mūngu, kilipo ikindukimo kisobīle. Muketile? Ikyene kyo kipanga ikilungisīgwe, ugwe go mpesa undungisīgwe, umwene yo mūndu undungisīgwe. Linga u mūndu ni kipanga-kipāgūke kimo, īngile nkipanga-kipāgūke nukwikōléla bēne Nkristi, kangi akaya nayo u Mbepo Mwikemo nukuya na Maka ga Kyāla na fyōsa ifindu ifi . . .

155 Lilino, linga ugwe kusōka panja apa nukubōmbéla bo aba bāli bagāle, itolo panongwa yakuti ugwe gwāyobīle mu ndimi. Une ngibwene imisyētāno gikuyobela mu ndimi. Ena, nkulumba. Une ngibwene igyēne gikufina mu mbepo, nukuywega nukutatafula ku kānwa, na filifyosa ifingi, kangi fyosa ifyo. Une nkibwene ikyo. Une ne . . . Une ndikuyoba isya ikyo. Une nguyoba isya Mbepo gwa Kyāla.

U Mbepo mwene ikupimba ubuketi na mbepo gwītu, ukuti uswe tuli . . . bāna ba Kyāla:

Kangi linga polelo bāna, bingilakilingo; bingilakilingo ba Kyāla, . . . bīngilakilingo-palikimo na Kristi; linga polelo . . . ukuti uswe tukukubilwa nu mwene, ukuti uswe tubagīle . . . nuswe twimikīgwe palikimo.

Kabuno une ngusyagania ukuti u bukubilwe . . .

156 Pilikisya itolo iki. O, linga ikylene kikaya kimogi!

Kabuno une ngusyagania ukuti u bukubīlwe bwa kabalilo akamwisyugu kukaya kufikapo ukufwanikisīgwa nu lwīmiko ulu lwisakusetuligwāga mwa uswe—mwa uswe.

Kabuno ubwisyukwe bwa kipeligwa . . .

157 Ikyene kikōléla apa, ndinalyo ilinini—ndinalyo ilinini ilisyu pala, ilinini ilyakubaligwa mbungw’ale, “kipeligwa” yo ndalusye, mu kiGiriki.

. . . ubwisyukwe bwa kipeligwa, ikipeligwa kikugūlīla ku bubonekelo bwa bānabalumiana ba Kyāla.

158 Ngimba filifyosa fikugūlīla pa fiki? Ngimba ikipeligwe kyōsa kikugūlīla fiki? Ukubonekela kwa banabalumiana ba Kyāla. Ikyene kikugūlīla i Kipanga ukwisa ukuya mu buyo Bwāke. Ngimba yo ywani āli mwanundumiana gwa Kyāla, akabalilo kāko Adam, ngimba ko kugu kyāliko ikitangalala kyāke? I kisu.

Umwene, umwene āli ni kitangalala pa kīsu. Ngimba ikyo ko kutalusya? Umwene akāli Elha, Elah, Elohim akabalilo kala mma; Umwene āli Yehova. Muketile? Uko kokuti, “Une ne Kyāla, kangi Une mbelile abaninipo bamo pāsi pa Une. Kangi Une mbapēle abēne ubulagili. Kangi mu kitangala kyābo, ubulagili pāsi pābo, kyo kīsu.” Umūndu āli nu bulagili pa kīsu. Kangi kyōsa ikipeligwa kyōsa kikugūlila ku bānabalumiana ba Kyāla ukubonekela. O!

Uswe tukukētésya ku bwisilo bwa lisiku lila
 ilīkyéle ilya Finj’elifu,
 Bo gwītu Ntwa nsayigwa ikwisaga nukunyaka
 u Nsingiligwa Gwāke ukubuka;
 O, i kīsu kikukoloma, ukukūtila ilisiku lila
 ilinyafu ilyabwabuke,
 Bo u Mpoke gwītu isakwisa ku kīsu kangi.

¹⁵⁹ Ngimba isyo ndalusye? Kugūlila. Kyala ikugela ukubīka i Kipanga Kyāke mbuyo, ukwibonesya Mwēne, ukwega yumoywene uyu Umwene abagile ukubōmbelāmo bo ulu, ukuyoba, “Pala u Mbepo Gwāngu ukwendelela nubwābūke. Pala Ikyene kili. Kila, kila, Une—Une mbagile ukubomba.” Apa, ukwega uyungi ukukilania apa nukumbīka umwene, “Une mbagile ukumbīka umwene.” Ukufwīkigwa, ukubīkigwa, ukubonekela, ukummwegela umwene panja apa nukubīka ulusekelo pa mwene, ukunjātīla umwene ba Bāndūmi, ukumbula umwene ikindukimo. Lilino, linga umwene abūligwe u bwanaloli! Lilino linga umwene itolo ikwata ikindukimo, ikyene kitisakubomba. Umma, umma, ikyo—ikyo kitisakubōmba, uswe tufumile ukuya nafyo fingi fya ifyo. Lōli une ngusanysya—lōli une ngusanysya ukubonekela kwa banabalumiana ba Kyāla, bo Kyāla ikwibonesya Mwēne kangi Umwene ikuntuma umwene panja. Kangi polelo umwene ikubūka panja, kangi iki umwene ikuyoba kyo Bwanaloli. Iki umwene ikubomba bo Bwanaloli. Iki umwene ikubomba, umwene ikubonesya Kristi. Ngimba ugwe kundonga umwene bulebule? Mu njila yīyo umwene ikwimila ni Lisyu, ukutalusya ni Lisyu. Muketile, umo mo mūmo ugwe kumanya abāndu bōsa, mo mūmo umwene ikwimila ni Lisyu. “Linga abēne bikuyoba kisita kufwana ni Lisyu, bukayamo nu Būmi mu bēne,” likuyoba i Bāngéli. Muketile? Baleka abēne kubutali.

¹⁶⁰ Lilino unko uswe tubale, polelo uswe—uswe tukufimbilisigwāga ukwīma, ’nongwa yakuti akabalilo kītu kakubopa. Umma ndaga, mu linandi lya 10, pamo ilinandi lya 9, ndigi.

*Bo amanyisye kwa uswe ikyakubutītu kya bwīgāne
 bwāke, (ukutufwīka uswe) ukufwana nu bwīkyéle
 ubununu bwāke ubu umwene āliganile mwa mwēne:*

161 Umwene āliganilepo iki Mwēne, bo lukāligwa ulwālo lwa kīsu. Balinga bikupilikisya ikyene? Muketile?

Ukuti nkati ntubalilo . . .

162 O, mwe, apa uswe tukwisa kangī! Huu! O, unko—unco—unco uswe itolo tukikilania ikyene, muketile.

. . . ntubalilo twa būfwāne bwa kabalilo . . .

163 Ngimba umwe mukwitika mu tubalilo? Bāngēli liyōbīle lūlo, “Ntubalilo twa būfwāne bwa kabalilo.” Ngimba ubufwāne bwa kabalilo kyo fiki? Kālīpo akabalilo ka, ena, kālipo akabalilo ka Lulagilo Lwamōse. Kālīpo akabalilo ka—ka—ka Yohani u Mōsi. Kālīpo akabalilo ka Kristi. Kālipo akabalilo ka kupāngānia kwa kipānga. Kālīpo akabalilo ka konelela panja kwa Mbepo Mwikemo. Lilino ko kabalilo ka kufwīkīgwa, iki i kīsu kikugūlīla, ukukoloma. “Kangī akabalilo kāko ubufwāne bwa kabalilo bukwīsa, akabalilo kāko akabalilo ka kufwāna kwa kabalilo,” ngimba ukufwana kwa kabalilo kyo fiki? Akabalilo kāko abafwe bikusyūka, bo ububine bukumalika, bo i . . . bo i kīsu kyōsa kikuleka ukukoloma. “Ukufwana kwa tubalilo twa kabalilo.” Kētēsya iki.

Bo nkati ntubalilo twa kufwana kwa tubalilo umwene abagīle ukubūngānia palikimo mwa yumo ifindu fyōsa mwa Kristi, . . .

164 Ngimba umwe mukahoboka? Ngimba Umwene ikubombaga bulebule ikyēne? Ukubūngānia palikimo ifindu fyōsa mwa Ywani? [Ikilundilo kikuyoba, “Kristi.”—Nsimbi.] Ngimba ugwe kubūka bulebule mwa Kristi? [“Nu Mbepo yumo.”] Nu Mbepo yumo uswe twesa tōsīgwe mu [“Mbili gumogwene”] Mbili gumogwene. Kangī u Mbili gula go Mbili gwa Ywani? [“gwa Kristi.”] Gulōngīgwe iyolo. Umwene ālyēgīle ubulongi bwītu. Polelo tuli fiki uswe? “Akabalilo kāko Une ngukēta i [“Lilopa.”] Lilopa, Une ngwisakubakilaniaga umwe.” Akabalilo kalikosa Umwene ikukēta u Mbili, pala Ugwene gwitūgēsye pala, gwālilōpa. Une ndi nkati mula bulebule? U Mbepo Mwikemo. Umwene itolo ikukilania pamwanya. O, mwe!

Kangī bo ubufwāne bwa tubalilo twa kabalilo, ukuti umwene abagīle ukubūngānia palikimo . . . ifindu fyosa mwa Kristi, fyosa-fibili ifi fili ku mwanya, . . .

165 Lilino linga umwe mukulonda ukuyoba isya ngamu yimo, uswe itolo tukwandaga pa kyene lululu ulu pa kabalilo. Kyōsa ikikolo ku Mwanja kili ni ngamu ya ywani? [Ikilundilo kikuyoba, “Yeso Kristi.”—Nsimbi.] Kyōsa ikikolo nkīsu kili ni ngamu ya ywani? [“Yeso Kristi.”]

166 Balīpo abakīkulu bamo abanunu nkati muno, banunu, bakabi, abakīkulu banaloliloli, bakīkulu. Alīpo yumoywene Nka. Branham, Nka. William Branham, umwene yo nkasi

gwāngu. Umwene ikubūka ku kāya na une. Muketile, mwe bangi ba umwe mukubūka na balume binu.

¹⁶⁷ Kilīpo kimokyene ikikulumba ikyābūmi i Kipanga kya Kyala gwabūmi, Umwene ikupimba i Ngamu Yāke, Umwene isusigwe na Mbepo Gwāke. Uko kotalusya. Une ndikuyoba . . .

¹⁶⁸ Une ndikutāga imbombo inunu, une ndikutāga ifipatala fyābo ni findu ifinunu abēne bikubōmba. Une ngwinogona ifyo fyo finunu, kangi saya sya Kyāla ku bāpina, bundu ubukubilwe. Une ndikutāga ifindu fyosa ifingi ifi abēne bikubōmba. Finunu, ikyo kyo itolo kitalusye. Kangi ifyābo ifibugutila ifikulumba kangi amaelifu-elifu ga madola, une naloliloli kinunupo ngēte ikyo ukukinda ifilabu fya kunwela pa nguto, akabalilo kalikosa. Une naloliloli nguyīndika abēne ukuya bāmbōmbo bikwīma nkigemo.

¹⁶⁹ Lōli akabalilo kāko ikyēne kikwisa ukubūngānia palikimo ku bumalikisyo bwa kabalilo, ikyēne kisakugūlilāga ku bubonekeo bwa banabalumiana ba Kyāla, mu kala akabali- . . . ukuti Umwene abagile ukubūngānia palikimo, bōsa aba batwaligwe mwa Kristi. Ngimba Kristi yo fiki? Balinga . . . Ngimba uswe tukwingila bulebule mwa Umwene? Bakorinti Bakwanda 12, “Nu Mbepo yumoywene uswe twesa tōsigwe mu Mbili gumogwene,” ugu go Mbili gwa Kristi, kangi tupeligwe ukuya balilanisi ba kikungilwa kilikyosa kangi ikindu kilikyosa ikinunu iki Umwene alinakyo. Ngimba uko kotalusya? “Kangi ikisu kyosa kikukoloma, kikukūta, kikugūlila ku bubonekelo ubu akabalilo kāko Kristi ni Kipanga Kyāke fisakwibungānia palikimo.”

Ikyo . . . akabalilo ka bufwāne bwa kabalilo . . . ukubūngania palikimo mwa yumoywene . . . mu fyōsa Kristi, fyosa-fibili ifi fili ku mwanya, kangi mu kisu; kangi mppe mwa umwēne: . . . kisu; mōpe mwa umwene:

Mwa yūyo . . . uswe tukabile ikilingo, . . .

¹⁷⁰ O, Nkundwe Neville, nswaga une panongwa ya kwēga akabalilo aka. Une . . . i lisyu lila “kilingo.” O-o-o-o! O, ilyene libagile ukuya! O-o-o-o! Une mmenye Umwene . . . Umwene yo nkamu Nkundwe. Une ndiku . . . Une ngusūbila une ngaya gwakigili. Une—une—une itolo . . . Une ndikwinogona une ndi. Lōli, o, mwe! Ikifiki? “Ikilingo.” Uswe tukabile i kilingo. Umunduyumo ikufimbilisigwa ukukulekela ugwe ikindukimo. Kyāla, bo u lwālo lwa kisu lukāligwa, akulekile ugwe ikindukimo. Ingamu yisimbigwe pa Būku, ukuti akabalilo kāko u Kang’osi āgogigwāga ugwe kwiyaganiaga ni Lyēne. O! Unko uswe tupaye ikyo kuli nkilo iki. Unko uswe itolo tubale ukukindilila itolo pakayabo kanini. Mwe, mwe! Ngimba uswe tukufikaga bulebule ku linandi lwa 3 ikilo iki, pamo untu gwa 3? Uswe tukaya nukuya namandi mana pamo mahano ukufumu

mu iki. Lilino uswe tukwitendekesye ukwīgála, lōli, une mbagile itolo ukubala ilyene kangi ukukileka ikyene kibūkege.

Mwa yūyo mópe uswe tukabile i kilingo, ukuya . . .

171 Fiki? Ngimba uswe tukukaba bulebule ikilingo iki apa? Ngimba uswe tukukikaba bulebule? Panongwa yakuti uswe twendile nubugolofu? Ngimba uswe tukukaba bulebule ikilingo iki? Panongwa yakuti uswe tusunguligwe. Ameni. Whuu! Mwe bakundwe bāngu ba kiArminia, une mmenye ikyo kikafu fiyo. Une ndikulonda ukufulasya, lōli ikyene itolo kikumbōmbéla une ubununu ukumanya ukuti ikyene. . . Ugwe—ugwe—ugwe ukabile ikyēne, ugwe ukabile ikyēne, nkundwe, umma ndaga. Ugwe utikukibona ikyēne itolo. Ugwe ukikabile ikyene kifwene itolo. Muketile? Ugwe uli kanunu, muketile, ugwe uli kanunu. Muketile? Lōli, o, lōli ikyene kinunu fiyo ukukikēta ikyēne. Ena. Itolo bo iki Nkundwe Neville āyobile ukufwana nu lukindi lwa pamwanya, mmayolo, “Iyegela gwimwene amafyukilo nukubūka ukusyungutula nukukēta iki ugwe ukabile.” Ena, nkulumba. Ikyo kyo iki Iki kiyilile. Mbepo Mwikemo gwa Kyāla yo mafyūkilo gītu ukutubūla uswe iki uswe tukabile. Muketile?

172 Muketile, i kilingo. O, mwe! “Ukuya . . .” Lo luko luki ulwa kilingo?

. . . ukuya basunguligwa ukufwana nu bwīgáne bwa umwēne uyu ikibōmba ifindu fyōsa ukufuma ku lufundo lwa bwīgáne bwāke:

173 Akabalilo kāko Umwēne āli . . . bo Umwene akāli ukuya Bāba, bo Umwene akāli ukuya Kyāla, bo Umwene akāli ukuya Mpoki, bo Umwene akāli ukuya Mbumbulusi, bo fikāli fyōsa ifi, Umwene asūngulile-ngānīla, ukubīka i Ngamu ya Kang’osi pa Būku, alinkukēta pāsī ukwisila mu kumanyila-ngānīla Kwāke nukuyibona i ngamu yāko, ukuyibīka iyene pala yópe. Ngimba ikyene kyo fiki? Ukukindapo akabalilo uswe tukwisa nkīsu, ukupāpīgwa na bapapi ababutulwanongwa; uswe tukwenda ukusyungutula pa kīsu, umwe mumenye. Ikindu kyākwanda umwe mumenye, bo yu yula unnini unJuda uniongala-mbulo, Pauli, umwe mumenye, kangī—kangī umwene abombelaga, kangī, ikindu ikyākwānda, i Kindukimo kilinkuti, “Apa, apa, apa, apa, apa!”

Ugwe kuyoba, “O, Abba, Tāta!”

174 Apa uswe tukwanda ukwisa, muketile. Ukusyungulila-ngāni uswe ku kilingo kyītu mwa Umwene, iki kyāsunguligwe-ngāni kwa uswe. Muketile, uswe twālingile ikilingo ikyēne bo u lwālo lwa kīsu lukāligwa. Muketile? O! Panongwa ya kulōnda Kwāke Mwene ukubōmba u bwīgáne ubununu u Bwāke Mwene, ikyo kyo katikati, ukuya Kyāla kangī Mpoki.

*Mwa yūyo umwe numwe mwāsūbile, ukufuma ukuti
umwe mwāpīlike i lisyu lwa u bwanaloli, . . .*

175 Kangi Ywani yo Bwanaloli? Yeso yo Bwanaloli, u Bwanaloli bwa Nongwainunu. I Nongwainunu nki? Yilipo yimo yene itolo i Nongwainunu. Bagalatia 1, āyobīle, “Palema nalinga u Gwāndūmi ikulūmbilīla i nongwainunu yiliyosa iyingi, ndeke mwane ayege ngunígwa.” Iyi yo Nongwainunu, i Nongwainunu ya bupoki bwīnu; komma iyingi, yikayapo iyingi. “Nayimo—nayimo iyingi i ngamu yipīgwe pāsi pa Kumwanya kūko umwe mukufimbilisigwa ukuya bapokigwa.” Loli mu Ngamu ya fiki? [Ikilundilo kikuyoba, “Untwa Yeso Kristi.”—Nsimbī.] O, une!

*. . .mwa yūyo . . .ukufuma ukuti umwe mwālītike,
umwe mwāfungigwe . . .*

176 O, “Ukufuma ukuti mwālītike!” Ngimba uswe tubagīle bulebulw itolo ukubopa pamwanya pa ikyo, nkundwe? Unko uswe tukileka ikylene itolo ku kilo iki, ngimba umwe mukuyoba fiki? O, mwe! Une—une itolo ngabagila ukubūka kōsa—kōsa kubutali ukukinda ikyo. Unko uswe tukileke ikyēne kya nkilo. Une itolo ngabagila ukukileka i lisyu lila “fungigwa,” mūmo ugwe kufika nkati mula, muketile.

177 Ikilingo ukwisila mu kusūngulígwa. Une nalingili-ikilingo ikindukimo. Ikilingo kiliku? Pāfimbilisigwāga ukuyapo umunduyumo ukundekela une ikilingo kimo. Fiky, ugwe kuyoba, “Yeso ākulekīle ugwe ikilingo.” Nalamba ugwe unswege! Yeso akālindekilēmo une siku i kilingo, Yeso akālekilēmo siku ugwe i kilingo; Umwene ālīsīle itolo pāsi nukuhomba panongwa ya kilingo kyāko, ukukutwala ugwe ku kilingo kyāko. Lōli i ngamu yāko yābīkīgwe pa Būku gwa Būmi gwa Kang’osi bo ulwālo lwa kīsu lukāligwa. Kyāla ākupéle ugwe ikilingo kyāko. Ikilingo kyāko kyālī kyākwānda. Yeso ikwisa pene . . .Bīngi, apa po yo njila abēne bikugela ukutendeka ikyēne, “Kyāla ikuyoba, ‘Ena, balipo abandu bīngi aba basobile. Akayapo nayumo uyu isakupokigwaga, popāpo Une ngutumaga Yeso pāsi kangī lumo pamo Umwene isaku . . . umunduyumo ikwipilikaga ubusulumanie, nukumanya iki une mbōmbīle nukupokigwa.” O, kisa! Une ngābagīle ukwendasya i bofesi yāngu bo ulo, pōpe palema nalinga une ngwendasya nubupina iyene utubalilo tumo. Muketile? Une—une ngābagīle ukubomba ikylene bu ulo. Po bule Kyāla?

178 Kyāla, ukwisila mu kumanyila-ngānīla Kwāke, āketīle katikati uyu isakupokigwaga kangī uyu atisakupokigwaga, Umwene ātumīle Yeso ukupoka bābo aba Umwene ātalīle āsalīle. Ngimba Pauli akāyobīle, amandi mahano kunyuma kwa iki, ukuti, “Umwene ātusalīle uswe mwa Umwene bo ni kula kukālīka ni kīsu”? Ikyo kyo kilingo kyītu. Kyāla ātusalīle uswe, kangī ukummwitikisya Yeso ukwisa nukuhomba untengo. Ikyo fiki? Ukōna Kwāke kwa i Lopa Lyāke, ukuti nu butulwanongwa

nabumu bukubaligwaga kwa uswe. Nakimo iki ugwe kubōmba. Lōli linga ugwe. . .

179 “Yūyo ikonanga pabwīgāne ukufuma pa kwāmbilīla ubumanyi bwa Bwanaloli, pakayapo kangi ilikemo.”

180 Lilino, kangi apa po pāpo ugwe kwisakufyuka kangi, ukuyoba, “Bule apo, Nkundwe Branham?”

181 Lōli itolo kumbukila, muketile, “uyu āmbilīle u *bumanyi* bwa Bwanaloli.” Abēne bakālyambililēmo siku u Bwanaloli, abēne balyāmbilīle itolo ubumanyi bwa Ilyene. Muketile? Ikyene kyo kisitakubōmbígwa ku bābo aba akabalilo kamo bamulikigwe, ukupeligwa balilanisi ba Mbepo Mwikemo, balyonjile a maka ga i Lisyu ilinunu. Itolo bo bala abitiki bamumpaka kunyuma kula. Popāpo bīngi bansimbīle une abakalata pa ikyo.

182 Abitiki bamumpaka bala bālyēndīle palapala pmwanya pala, Yoshua na Kalebu bābūkīle palapala ukukilania pala. Fiki? Lilino uswe tukukolelaga ikyo u Mbepo Mwikemo, ikisu panja pala. Apa abēne bali kunyuma *apa*. Pamo pamwanya *apa*, yoba *uyu* yo Mbepo Mwikemo, kangi abēne bali kunyuma panja *apa*, umwe muketile. Apo po pāpo u lufingo luli, po *pala*. “‘Ena, linga abēne bābagīle ukutuma abatendela kalongo, yumo ukufuma mu kikulo kilikyosa, ukuti twesa uswe fikolo tubagīle ukumanya iki ikilingo kyītu kili, kūko bosa bisakubīkīgwa ga ukukilania kula, kūko uswe twisakubīkīgwa.’ Popāpo, une nguyaga pakutuma abatendela bamo.”

183 Abēne bōsa bāfikīle kwisilya kula, “O, mwe! Umma. Uswe tukukōleligwāga babunguluka-bikemo, ukufuma pala ukubuka nkyeni. Umma, haa-aa, uswe tukābagīle ukubōmba ikyo.” Muketile?

184 Yoshua na Kalebu balinkuti, “Une ngwakukētāga iki ikyene kikubonekela.” Popāpo abēne balinkwisa ukukilania apa nukukēta ukusyungutila. Mwe, abēne balinkufika pamwanya pala kangi ukutumula ikipamba ikinywamu ikya gyalī mipesa gyābo nukugomokela pāsī. Balinkuti, “Balumiana, umwene ali kanunu, umwene yo itolo ali kanunu! Apa, ega gimo mwa igyene, igyene gyo naloliloli minyafu!”

185 “O, ikyo kyo kinunu, lōli, o, kēta fila ifinywamu. . . O, uswe tukābagīle ukubōmba ikyēne. Ima ukulwana na fyōsa fila ifipanga-fipāgūke ifinywamu, fyōsa ifindu ifinywamu fila? O, ikyene kyo kibībi fiyo, uswe tukabagila ukubomba ikyene. Umma, nkulumba! Kisita kupasya yo ywani umwene ali, uswe tutisa. Umma, nkulumba.” Kangi abēne balinkwanda ukuyoba, “O, unko uswe tugomokele ku ndeko sya nyama isya Igupto. Uswe kyāfwene itolo nukusyala pāsū pala. Uswe tukabagīle ukubomba ikyene, u nsenbwe ugu mfinyu fiyo.

Uswe tumenye uswe tukabafila ukubomba *iki*, uswe tukabagila ukubomba *kila*.”

¹⁸⁶ Ugwiyolo Kalebu alinkuti, “Yaga kimyemye, mwesa bwa umwe!” Yoshua alinkuti, “Kiba, aligwesa gwa umwe! Unko une njobe ikindukimo.”

¹⁸⁷ “O, asee, asee, asee, uswe tukabagila ukubomba ikyene! O, uswe tukabagile. Ena, linga une nāfimbilisigwaga ukuleka isekelo syāngu sya makadi, Nkundwe Branham! Linga une ngwifimbilisigwa ukusileka inywili syāngu ukukula panja ngati u nkikulu yumo unkangale, une itolo ngamanya isyakubomba. Linga une ngufimbilisigwa ukufula utubundu twāngu utunini, une—une—une, mwe, une itolo ngābagile, umwe mumenye. Kangi linga une ngusilekaga ingambo syāngu, linga une nifimbilisyaga ukubomba ikyo!” Ugwe gwe ndondo kyakwegelelāpo kyamatingo. Ena. “Itolo ngabagila ukubomba ikyene.”

¹⁸⁸ Yoshua alinkuti, “O, ikyene kyo kinunu. Haleluya! Uswe tubagile ukwega ikyene.” Ngimba ikyene kyāli fiki? Abēne bāketāga utwaya utunywamu utu twasingililigwe ni mbaso. Kangi Yōsha na Kalebu bāketāga ku lufingo Kyāla ātendike. Ima ni Lisyu, kali gwe ywani ugwe. Ima ni Lisyu!

¹⁸⁹ Kabuno Peteri āyobīle, “Pinduka, aligwesa gwa umwe, nukōsigwa mu Ngamu ya Yeso Kristi ku busyūle bwa mbibi syīnu, namanga ulufingo ulu luli kwa umwe,” (kyo Kīsu ikifingigwe kiki?) “kangi ku bāna bīnu, kangi panongwa ya bēne aba bali kubutali, bōpe na būbwīngi mūmo u Ntwa Kyāla gwītu isakukōlelāga.”

¹⁹⁰ Komma ukukyitikisya iki kibabege, twikigala, nalamba komma. Muketile? Mwaketa lelo umwe ba Pilgrim Holiness na baNazarene, umwe mwisile mulamula mulukemesyo, ukwenda ukufika itolo apa pa buyo pāpo umwe mwāketāga na gimipesa, kangi polelo nukusanuka nukugōmokēla. Mwāketile iki kyābonike? Ikyo kyo iki kitamisye, umwe mukakilēnie ukubuka nkīsu kila mma. Nangisya une un’Nazarene pamo um’Pilgrim Holiness yumoywene, pamo aligwesa gwa beene pa fundo syaamwisyugu, ukuya ni sasanio sya bubūmbulūsyo ni fimanyilo ni fiswigo fibōmbigwe. Nāngisya une yumo. Umwe mwitūgēsyē pāsi na Igupto, mwāgomokīle ku ndeko sya fitungulu. Umwe mwalīmīle pa Kardesi-Baraneya. Uko ko kutalusya.

¹⁹¹ Kētēsya, kangi unko une ngupepo ugwe u buyo bwāko, mwa Bahiburi untu gwa 6. “Kabuno ikyene kyo kikabagiligwa ku bēne bābo bāli akabalilo kamo bamulikigwe,” umwe mwāmēnyē kanunupo. Linga umwe mukamanya, umwe mumenye lilino. Muketile? “Kangi bāpeligwe ukuya balilanisi, kangi balyōnjile ifikungilwa fya Kumwanya.”

192 Bālyonjīle, muketile. Abāndu bikubuka kukipanga, nukwītugāsyā ukusyūngutīla nukuyoba, “Ugwe umenye, abene—abene babagīle ukuya batalusye. Ikyo—ikyō—ikyō kibagīle ukuya kitalusye. Ikyene kibagile ukuya kifwane, loli une ngukubula ugwe, ndumiana, ikyene kikwēgēla u lwītīko lwīngi ukubomba ikyo.”

193 “Balyonjile ifikungilwa fya Kumwanya, kangi balyegile ili Lopa lya lwitikano ukuya ‘kindu kisitabwikemo,’ iki umwe mwakemesigwe.”

194 Bo undumbilili, unna ikuntuma umwene. Umwene ikuti, “Une ndinako ukukoleligwa ukuya gwambombo gwa Ntwa.”

195 “Umma ndaga. Ikindu kyakwanda une ngufimbilisigwa ukubomba ko kusuka imyenda nukuhombigwa, lūki, kangi une ngukutumaga ugwe ku sukulu yimo.” Ikindu ikinyali ukukinda iki umwene ābombilēmo siku. Uko ko kotalusya. Abene bisakosōsyāmo fyōsa ukufuma mwa umwene ifi Kyala ikugela ukubīka mwa umwene. Polelo, lilino kētēsya.

196 “Namanga linga uswe tukutulwa inongwa nubwīgāne, nubwīgāne ukufuma pāpo uswe twāmbilīle ubumanyi bwa Bwanalōli, u bumanyi. Mukete ilyene mu Lisimbo kangi mumēnye ukuti ili Bāngēli likuti Umwene yo yulayula mmayolo, umwisyugu, kangi na bwilanabwila. Mukukēta Ikyo, ubwene bo bumanyi bwa Bwanalōli. Ukukēta ikyēne, uswe tukusyumbutuka ukusōkapo, nukulyēga i Lilopa lwa lwitikano. . . .”

197 U nnyāmbāla ikuyoba, “O, ena, une ngwitika mwa—mwa Kyāla.” Umma ndaga, ugwe utēndīke ilikato lyāk wānda.

198 “Naloliloli, une ngwitika mu bukemesigwe.” Umma ndaga, ugwe uli pa mpaka, palapala pamwanya apa gwītendekisyē ukwāmbilīla Mbepo Mwikemo. Lōli ugwe kukēta ukukilania kangi kuyoba, “Une—une—une ngamanya isya ikyo. Linga une nāfimbilisigwāga ukubōmbēla bo. . . Umma. Une ngamanya. Ugwe umenye iki bikubakōlēla abandu bala? Uu-huu, Une ngamanya kali une nābagīle ukubōmba ikyo pamo mma. Umma, une ngusūbīla une ngukindililāga nukwingila. . . ? . . .” Muketile? Muketile?

199 Kangi umwe mumenye iki kyābonīke? Umwene āyobīle, “Ikyēne kyo kikabagila ku bēne ukwilamo nkati siku.” Abēne batulilw’inōngwa yakusōkāpo ilisiku lyābo ilya ipyana. Ili Bāngēli lyāyobīle lūlo. Une mmenye ikyo kyo magengelemia, loli i Bangeli lyāyobīle, “Bōnjīle ifikungilwa Fyakumwanya, nukulyēga ili Lopa lya lwītīkāno mu lūlo. . . .”

200 Abēne bikuyoba, “Une ngwitika mu bukemesigwe, ubununu, ubwifyusi, ubūmi ubwikemo.”

201 Naloli, lōli ugwe, akabalilo kāko ugwe kukēta u lōsyo lwa Mbepo Mwikemo, kangi u lōsyo na fyōsa ifindu ifi mwi Bāngēli,

kangi ugwe ubōmbīle fiki? Ugwe ulyēgīle i Lilopa lya lwītīkāno mu lūlo ugwe gwakemesīgwēmo, i kindu “kisita-bwikemo.” Ngimba kyo fiki nkīsu iki kyākutwēle ugwe pamwanya apa, nnyāmbāla? Ngimba fiki . . . ? . . . Ngimba fyo fiki fyakukyungīle ugwe ukufuma kukuya ntulwanongwa gwa pāsi-pāsi? Ngimba kyo fiki kyālyegīle ubutulwanongwa ukufuma mbūmi bwāko, nu kukwesa nu kunwa, na bakīkūlu ni findu ukufuma mbūmi bwāko, ifi fibabagisenie ukuya pala? Ngimba fiki kyābombīle ikyo? Ili Lopa lya lwītīkano! Polelo ugwe kusegelela kifiki ukufwana ukōnja imipesa ukufuma ku Kīsu ikingi, nukuya nisoni ni Nongwainunu, ukutila ikipanga-kipāgūke kyāko! Kyāla yaga ni kisa! Ena, nkulumba. “Balyēgīle i Lilopa lya lwītīkano ukuya ‘kindu kisita-bwikemo,’ kangi ukubōmba ukulwana ni mbombo sya ipyana. Ikyēne kyo kikabagila kwa umwēne ukwingilamo siku nkati nKīsu kila.”

²⁰² Fiki fyābōnīke? Une ngubalalusya umwe. Lilino, une ne mwēgelēsi, kangi u mūndu aligwesa uyu amenye i Bāngēli yo mwēgelēsi. Ngimba yumo mwa banyāmbāla bala bātīkulēmo siku i kīsu ikifingīgwa kila? Nayumoywene gwa bēne. Ywani ābōmbīle ikyene, ywani abūkīle kwīsīlya kula? Bala aba bābukile pakwānda, ukugomokako kangi bāyobīle, “Uswē tubagile ukwega ikyene, uswē tubagile ukuya nu Mbepo Mwikemo panongwa yakuti Kyala āyobile lūlo! Peteri āyobile pa Lisiku lya Pentekosti, linga une nābagīle ‘ukupindika nu kōsīgwa mu Ngamu ya Yeso Kristi,’ Une mbagīle ukwambilila u Mbepo Mwikemo, ulufingo luli kwa une. Une nītendekīsye ukubōmba ikyēne. Lwāngu, u lufingo lo lwāngu.” Umwe mukupilikisya ikyene? “Lilino u lufingo lo lwāngu. Une ngwambilīla ikyēne, ulwene lo lwāngu. Nalōli ulwene luli.” Abēne bāli bo bēne itolo.

²⁰³ “O,” ugwe kuyiba, “lōli, Nkundwe Branham, mu busyuke!” Abēne batisakuyāko kula. “O, abene batisa nakamo?” Umma, nkulumba. Yeso āyobile.

²⁰⁴ Abēne balinkuti, “Kangi Ugwe kwipela Gwimwene ukuya nkulumba bo yu Mōse, kangi Ugwe gwāyobile ukue Ugwe gwāli, Ugwe ‘gwalimbwene Abraham.’” Kangi umwene alinkuti, “Kangi—kangi—kangi—kangi Abraham āli mfwe! Fiki, Ugwe ukaya mma—Ugwe ukaya mma nukukinda ifyinja malongo mahano mbukusi, kangi Ugwe uyobile Ugwe gwālimbwene Abraham?”

²⁰⁵ Umwene alinkuti, “Bo Abraham āli, UNE YONE.” O, mwe! U “UNE YONE,” njepo-bwila, Kyala Syēpwa. Komma mmayolo, komma kilabo, “UNE YONE.” Muketile? Kyala njepo-bwila, u Elohim, “UNE YONE.” Polelo abēne balinkumpimba . . . Abēne bayaga pakungoga Umwene lelo.

²⁰⁶ Umwene alinkuti, “Ena, abatāta bitu bālile manna ndulangalanga ku fyinja malongo mana. Kyala āgwīsīsye u nkati

palapala pāsi ukufuma ku Mwanya nukubalyesya abēne. Abēne bābukaga ku kipanga kangī abēne bakipanga banunu ku fyiŋja malongo mana. U Māma gwangu unkāngale āfwīle munomuno nkipanga iki,” kangī kilikyosa bo ikyo. “Abatāta bāngu bālīle manna ndulanga ku fyiŋja malongo mana.”

²⁰⁷ Kangī Yeso alinkuti, “Kangī abēne bo aligwesa gwa bēne bafwīle.” *Bafwīle* kokuti “ukupāgulīgwa kwa Syēpwa.” “Abene bo aligwesa gwa bēne bafwīle. Lōli Une nguyoba kwa umwe, ukuti Une ne Nkati gwa Būmi ugu gufumile kwa Kyāla ukufuma ku Mwanya. U mūndu ikulya u Nkati gwa Mbepo ugu, umwene ali nabo u Būmi bwa Syēpwa kangu umwene akabagīla ukupyūtīgwa. kangī Une ngwisakusyusya umwene mu lisiku lyabumalikisyo.” O, nkundwe, ngimba Umwene akaya nswigisye?

Ngimba Umwene akaya nswigisye, nswigisye,
nswigisye?

Ngimba Yesu Ntwa gwitu akaya nswigisye?
Amaso gaketile, imbulukutu sipilike, iki
kisimbīgwe mu Lisyu Lyāke;
Ngimba Yeso Ntwa gwītu akaya nswigisye?

²⁰⁸ Ngimba uko ko kotalusya? Uswe tukukēta u Mbepo Gwāke unketa-ndumbula ikubūka ukukinda pakati pitu. Uswe tukuketa Umwene ikubōmba ifika ni fimanyilo ni fiswīgo. Uswe tukupilika Ilyene lisimbīgwe mulamula ukufuma mu Lisyu apa, umwe mukulibona Ilyene likusisimikisigwa papapa panja pala. O, mwe!

Amaso gaketile, imbulukutu sipilike, iki
kisimbīgwe mu Lisyu Lyāke;
Ngimba Yeso gwangu gwakuswigisya?

²⁰⁹ Mu agangi amaminiti mabili, pamo matatu, pisakuyangapo ulōsyo lwa mmisi lukubōmbīgwāga apa. Kangī lilino abēne aba bikōsigwāga, unko abakīkūlu babūke ukukilania *apa*, kangī abanyāmbāla ukukilania pa lubafu *ulu*. Kangī lilino abanyāmbāla ku kimama kyangu, ukukilania *apa* pa lubafu *ulu*. Kangī abakīkūlu ukukilania *apa*. Bisakuyangamo aba kalumbu nkati mula ni myenda bitendekisye. Kangī linga unyāmbāla aligwesa pamo unkīkūlu aligwesa apa ulubunju *ulu*, uyu atobesīgwe ukuti ugwe kwitika mu Lisyu lya Kyāla, kangī ugwe kwitika ukuti Kyāla ikukyunga ulufingo Lwāke, ukuti linga u nnyāmbāla isakupinduka mosa-na-mosa ukufuma ku mbībi syāke syōsa. . . Lilino, ili Lopa likabōmba ikindu kimo mma tāsi. Umma, ikyene kyo itolo u lwītiko lwāko mwa Kyāla. Kangī Kyala ikukōléla, itolo, “Fuu, fuu, fuu!” ikukukōléla ugwe, ikyo kyo iki kikubōmba ikyēne lilino, “Fuu, fuu!”

“Une ngōsigwa’mo siku.”

“Fuu, fuu!”

“Ena, linga une itolo mbagile ukwanda kangu ukubomba nubukindáne.”

“Fuu!” Ikyo, ikyo kyo kinu, andako, polelo—polelo ugwe bōmba nubukindáne ukufuma pāpo ugwe utendike ukwanda kwāko. Muketile? Ugwe kufimbilisigwa ukusyumbutuka, andaka, muketile.

Ugwe kuyoba, “Mulimosa, une—une—une ngakibonámo siku ikylene ukuya itolo bo lula.”

²¹⁰ Ena, nkundwe gwempala, une ngulonda ugwe ukunāngisya une i Lisimbo limolyene kūko u mūndu aligwesa. . . Une nkitwele iki ku finyinja malongo-matatu-na-kimo ifya butumigwe ukusyungutila i kisu, pankyeni pa babishopu na bosa bo abo, kūko u mūndu, u mūndu yumoywene alyōsigwémo siku mu njila iyingi yiliyosa ukukinda lōli mu Ngamu ya Yeso Kristi. Kangu aligwesa uyu akālyōsigwe mu Ngamu ya Yeso, āfimbilisigwāga ukwāsa nu kōsigwa kangu mu Ngamu yila.

²¹¹ Kyāla āli ni Ngamu yimoyene itolo, kangu i Ngamu Yāke yo Yeso. Uyo āli Mwanundumiana Gwāke, Umwene ālyēgile i Ngamu ya Mwanundumiana Gwāke. Kyāla! Lilino, Yeso, u mbili gwa nnyāmbāla. Uswe tumenye ikyo. Yula āli Mwanundumiana gwa Kyāla uyu ākupililigwe. Lilino uswe tutikwitika mu luko lwa bumobwene, abāndu aba bikuyoba Kyāla ali bo lōbe lwāko. Uswe tukwitika filipo fitatu ifyaku- . . . ifyakubāgilila fya Kyāla. Ifyakubāgilila fitatu fya Kyāla, Kyāla ikwibonesyāmo. Lōli alipo Kyāla yumoywene. Muketile? Uko ko kutalusya. Uswe tutikwitika. . . Uswe tukwitika mu i—mu i. . . Unko une nkitendeke bo ulu, uswe tukwitika ukuti Kyāla ālitūgēsye mbubombela-mbombo mutatu. Umwene āli nu bubōmbéla-mbombo bumo pa kisu akabalilo kamo.

²¹² Lilino, umwe bakikūlu būka ku lubafu *ulu*, kangu umwe banyāmbāla būka ku lubafu *ulu*, aba bikwitendekekesya. Kangu abēne bikwitendekekesya ku lōsyo lilino.

²¹³ Kangu, lilino, Kyāla āli nu bubōmbéla-mbombo butatu. Bumo bwa ubwene bwākoleligwāga Butāta, pamo akabalilo ka Tāta; ubūngi bumo bwākoleligwāga u Bwānubulumiana; kangu ubūngi bumo bwākoleligwāga Mbepo Mwikemo. Lilino, umwisyugu, ko kabalilo kaki—kaki aka Tāta ikubōmbelāmo umwisyūgu? [Ikilundilo kikuyoba, “Mbepo Mwikemo.”—Nsimbi.] Mbepo Mwikemo. Ngimba Umwene āli fiki mmasiku aga gakindilepo? [“Yeso.”] Yeso. Ngimba Umwene āli fiki mmasiku bo gakāli gala? [“Tāta.”] Loli ikylene kyāli itolo Kyāla yumoywene! Ngimba uko ko kutalusya? Umwene yo Tata, Mwanundumiana, kangu u Mbepo Mwikemo, ubutatu bula, ububōmbelāmo-mbombo bula bwa Kyāla yumoywene. Kyāla yumoywene ntiga!

²¹⁴ Lōli lilino, Tāta yikaya ngamu, ngimba uko kutalusya? Une ngulonda ukubalālūsya umwe. Lilino une ngulonda ukubapa

umwe Matai 28:19, kũko Yeso āyobĩle, “Bũka umwe polelo, manyisyaga ifikolo fyōsa, bōsyaga abēne mu Ngamu,” (N-g-a-m-u) “Ngamu ya Tāta . . .”

²¹⁵ Lilino une ngulonda ukukēta mũmo umwe mulimanyile kanunu i Lisimbo lyĩnu. Mbula une akabalilo kākō une ngusōkāpo pa bugolosye. Kangi Umwene alinkuyoba ku bene, “Buka umwe nkisu kyosa, ukulumbilila Inongwainunu ku kipeligwa kilikyosa. Uyu ikwitika kangi ikosigwa isakupokigwaga. Umwene uyu atikwitika isakutagigwaga. Ifimanyilo ifi fisakukongaga abene aba bikwitika. Mu Ngamu Yangu abene bisakusosyaga imisetano,” Ngimba isyo syabwanaloli? “ukuyoba mu ndimi imbya, ukupimba mwanya injoka.” Lilino une nguyaga pakwandisya kwa umwe, Matai . . .

²¹⁶ Lilino pilikisya. Une ngulālũsya ugwasymbukũlu aligwesa. Lilino iki kili pa tepi, iki kikubũka ku kĩsu kyōsa. Une ngulālũsya umfunda-syambukũlu aligwesa ukwisa kwa une nukundwālĩla une ubusĩmbe bulubosa ubwa Lisimbo, ubusĩmbe bulibosa bwa Lisimbo pamo mma i Lisimbo, ubusĩmbe bulibosa bwa Lisimbo pamo umfunda-syāmbukũlu aligwesa, ilinandi lililyosa lwa syāmbukũlu uyu nasiku ānāngĩsye ukuti umProtestanti aligwesa, ukuti aligwesa alyosigwemo siku mu ngamu ya “Tata, Mwanundumiana, Mbepo Mwikemo” mpaka i kipanga kyaKatolika kyalitikisye ikyēne mu Lukomano lwa ku Nicene. Lilino ikyo kili pa matepi, ikylene kikubũka ukukilania i kĩsu, injobelo malongo matatu na ihano na ibili agene gikusanusigwamo. Une nisakuhomba injila yāko ukukilania inyānja. Uko ko kotalusya. “Tāta, Mwanundumiana, na Mbepo Mwikemo” kyo kimanyisyo kyabutungulu, ikimanyisyo kya Katolika ikisyobi, kangi lukaya lōsyo lwa Kikristi. Kotalusya! Luteri alutwele ulwene ukufuma ku kipanga kya Katolika, na katekisimu, Wesley ālwegelile ulwene nu kwisa nalo. Lōli ili lyo lisiku ilya bubonekelo bwa banabalumiana bwa Kyāla, akabalilo kākō isyambutĩtu isi syāfisigwe ukufuma ku lwālo lwa kĩsu sikipeligwaga simanyigwe. Iyi yo sala. Naloli.

²¹⁷ Kumbukilaga, akalimo siku u mundu yumo mu i Bāngēli uyu ālyosigwēmo siku mu ngamu ya “Tāta, Mwanundumiana, Mbepo Mwikemo.” Ku fyiinja bamia batatu ukufuma pa bufwe bwa ntumigwa gwabumalikisyo, akālipo nayumo na yumoywene ālyosigwēmo siku mu ngamu ya “Tata, Mwanundumiana, Mbepo Mwikemo.” Abēne bālnalyo . . . Une mbalile gosa-mabili *Pre-Nicene Fathers, The Nicene Council*, kangi ukufuma pala abēne bapangēnie iki abēne bikukōlēla i “kipanga kya Kikristi kya nkĩsu-kyōsa” nukutendeke ikipanganio ukufuma ku kyēne nukugūtĩla abāndu bosa ku kyene, iki kyo kyāli kipanga Katolika. I lisyu lilalila ilya *katolika* kokuti “kyankĩsi-kyōsa,” i kipanga kya Kikristi kyankĩsu-kyōsa, kĩsu-kyōsa, ikipanga kimokyene ukukupilila i kĩsu-kyōsa. Kangi i Kikristi iki, abēne bikubagūtĩla abāndu ku kyēne. Nkati mula abēne balitikisye,

abêne babongotwile pāsi Venus nukubikápo Maria. Abêne babongotwile pāsi Pauli. . . pamo Jupiter, nukufyusya Pauli. Ikyene kikāli kyāpānja! Kotalusya. I kipanga kya Katolika kyāsōkile ukufuma kula, kangi ukufuma ifyinja ba mia bahano. . .

²¹⁸ Abêne bali nu lukino lukubōmbigwa mu Louisville lilino, ulwa *Ben Hur*. Abêne bāli na *Ingomelesyo Kalongo* pakaya patali mma. Une ngunyonywa abêne angali bālyegilēmo lumolwene ulwa, linga abêne babagile, ulwa fyinja elifu na bamia bahano ifya ngulilo ya ngīsi. Une ngunyonywa abêne angali balubike ulwene lukinege. Ifyinja elifu yumo na bamia bahano ifya bupyuto bwa bāpānja, akabalilo kāko abêne bafimbilisyağa aligwesa nukubāika abêne kubufwe, ukugoga abêne, ukupita abêne. Ukubika i ngambako pa yumo kangi i ngambako pa yungi, kangi ukubatendeka abene pamo ukufipa i kipingika pamo ukwanda yumo kubwa kuno pamo kubwa kula. Une mbikile ikiboko kyāngu, kulakula ku Switzerland, kunyuma ku mbanda kūko abêne bimaga pala nukutumula indimi syābo panja nukubakōléla abêne balosi na filifyōsa ifingi. Uko ko katikati kotalusya. Kotalusya!

²¹⁹ Kangi iyo yo mbepo yilayila yilimo umwisyūgu. Ulwene lo itolo lulagilo ulu lukikōléla iyēne pāsi. Gūlila mpaka iyēne yikukaba ubwābūke bwāke. Ili Bāngēli lyāyobile lūlo. Gūlila itolo mpaka iyēne yikunāngisya ilangi syāke, iyēne yikukaba ulusako ukubōmba. Umwe mubagile ukubomba ulusalo ya iyēne naloli kifuki, ku fyōsa ifi une mmenye. Muketile? Iyēne yikubombaga, iyēne yikwisaga. Yikayapo ni njila nayimo iyakuyikolelela iyene kula. Iyēne yikufimbilisigwa ukwisa. Uko ko kotalusya. Iyēne yikufimbilisigwa ukwisa, iyēne yikwisa. Popāpo akabalilo kāko iyēne yikubōmba, ugwe itolo kētēsya. Lōli, nkundwe, ugwe kulonda ukumanya iki ikindu kimokyene, une mmenye Yūyo une nītike. Haleluya! Ukukūya mulamula munkyeni. Muketile. Ikyo kyo ikyēne.

²²⁰ Kalipo a kabalilo kāko i—akabalilo kāko u nsīmbi, akabalilo kāko une nālimbūlile u nsīmbi gwa Lam-. . . Lamsa—Bāngēli lya Lamsa, akabalilo kāko umwene ākētīle nukukibona ikimanyilo kyaiyolo kya Kyāla, itolo katikati ukuti katikati, ututonyesye utunini tutatu mu lyēne, Une ndinkuti, “Ngimba uto to fiki?”

Umwene alinkuti, “Uyo yo Kyāla mu fyakubāgilila fitatu.”

Une ndinkuyoba, “Bo yu Tāta, Mwanundumiana, kangi u Mbepo Mwikemo?”

Umwene alinkuketesya kwa une. Umwene alinkuti, “Ngimba ugwe kwitika ikyo?”

Kangi une ndinkuti, “Ena, nkulumba.”

²²¹ Umwene alinkuti, “Une nakubwene ukumanya-minogono kula ikilo kimo, une nālinogwine ugwe gwāli nsololi gwa

Ntwa.” Alinkuti, “Kyāla akusaye indumbula yāko.” Alinkubika ulukōngi lwāke ukusyungutila une, alinkuti, “Lilino une mmenye ikyēne kili.” Umwene alinkuti, “Abāndu ba kiMerika aba bakakimanya nukuti fiki.” Alinkuti, “Abēne bakamanya pópe nakimo.” Alinkuti, “Abēne bikugela ukwēga i Būku lya Kubusōkel’ilisuba nukulipela Būku gwa Kubwingilil’ilisuba ukufuma ku Lyēne. Abēne batikulimanya ni li Bāngéli lyābo.” Umwene alinkuti, “Yikayapo nayimo i Ngamu iyingi yipēgígwe pāsi pa Kumwanya, nayimo Ingamu iyingi, kabuno aligwesa alyosigwemo siku mu Ngamu ya Yeso Kristi. Kikayako ni kindu kimo bo abandu batatu mwa Kyāla yumoywene.” Kangi uyo yo Nkundwe Lamsa, Doctor Lamsa, u nsanusi gwa i Bāngéli lya Lamsa, uyu yo mwinake gwapandumbula gwa Eisenhowe na bosa abakulumba abimilili ba kisu, na filifyosa ifingi, alinkusōpa ingongi syāke ukusyungutila une, alinkuti, “Ilisiku limo abēne bisakukutusulilāga ugwe panongwa ya ikyo. Lōli,” alinkuti, “kumbukilāga, abāndu bosa bala bāfwila pa nongwa yimo.”

²²² Une ngulonda ukuya bo akabalilo kāko Peteri gwaiyolo ābīkígwe mmnyololo. Ālipo u ndumiana unnini ugwiyolo nkati mula kangi umwene āli nu lutende mōsa. Kangi umwene alinkuti, “O, fyo fiki fitamisye?”

Alinkuti, “Ugwe umenye ugwe kugogigwaga?”

Peteri alinkuti, “Ena.”

Umwene alinkuti, “Mulimosa, ugwe kuyaga pakufwa umwisyugu.”

Umwene alinkuti, “Ena.”

Umwene alinkuti, “Ena, abēne bo—abēne bo...ngimba ugwe akaya nu lutende?”

Umwene alinkuti, “Umma.”

Umwene alinkuti, “Ugwe ubagile ukuya yumo mwa bala abēne bikubakōléla Bakristi.”

Umwene alinkuti, “Ena.”

Alinkuti, “Ngimba fiki fyabonike?”

²²³ Kangi umwene alinkumbula umwene, umwene alinkwitūgāsya pāsi nukumbula umwene akapango kala. Kangi bo akene kakukindilila, ukwisa pāsi, umwene alinkuti, “Kangi une āngáli ndimwābūke ulubunju ulu. Une āngáli mbukfle nukwīngila fimo mwa fipanga-fipāgūke fyābo nukuya mūmi nukukindilila, uketile. Une āngáli ndimwābūke. Lōli une ndinkwandako pa kipata kya kāya aka, kangi une ndinkumbona Yumo ikwisa, ikwingila muno. Une nāmenye Uyu Umwene āli. Une ndinkuti, ‘Ntwa, ko kugu Ugwe kubuka?’ Umwene alinkuti, ‘Une ngugomokela ukwakukomeligwa kabubili.’” Alinkuti, “Une ndinkugomokela kunokuno itolo.”

224 Itolo akabalilo kala abēne balinkuti, “Ingamu ya Simoni Peteri yo ya ywani?”

Alinkuti, “Apa une ndipo!”

Alinkuti, “Uswe twitendekisye kuli ugwe.”

Alinkuti, “Une nābagūlilāga umwe.” Alinkwenda palapala ukukinda panja.

225 Undumiana yula alinkupalamasya umwene pa kibega, kangi alinkuti, “Gūlīla i miniti, Simoni; une ngwitikisya u Kyāla yula nīne! Kangi lilino une ngaya nu lutende mma; unko ubwāngu buyege bo bukonge.” Uko ko kotalusya. Haleluya!

Yikumulisya . . . Iyene yikusulula ni lilopa, ena,
iyene yikusulula ni lilopa,
Inongwainunu ya Mbepo Mwikemo iyi
yikusulula ni lilopa,
Ililopa lya bafundigwa aba bāfwilīle u
Bwanaloli,
Inongwainunu ya Mbepo Mwikemo iyi
yikusulula ni lilopa.

Ugwakwanda pakufwila ulubatiko lwa Mbepo
Mwikemo ulu,
Āli Yohani u Mōsi, lōli umwene āfwīle bo
mūndu;
Polelo ālisīle u Ntwa Yeso, abēne bālinkomile
Umwene,
Umwene ālūmbilīle ukuti u Mbepo
ikubapokaga abāndu ku mbībi.

Alipo u Peteri na Pauli, na Yohani unnyakyala,
Abēne bāpēle imyūmi gyābo ukuti i
Nongwainunu iyi yabagile ukumulika;
Abēne bafulugénie ililopa lyābo, bo basololi
baiyolo,
Ukuti i Lisyu lya Kyāla ilyabwanaloli lyābagile
nubwanaloli ukuyobigwa.

Gilipo imyoyo pāsi pakigemo, gikukúta,
“Mpaka ndili?”

Ukuti u Ntwa afūnde bala aba babōmbīle
ubusóbi; (Pilikisya!)

Lōli kwisakuyangako abingipo aba bisakupa
ililopa lya būmi lyābo

Panongwa ya Nongwainunu iyi iya Mbepo
Mwikemo nu mwelesyo gwāke unkesefu.

Iyene yikusulula ni lilopa, ena, iyene
yikusulula ni lilopa,
Inongwainunu ya Mbepo Mwikemo iyi
yikusulula . . . lilopa,

Iilopa Iya bafundigwa aba bāfwilīle u
Bwanaloli,
Inongwainunu ya Mbepo Mwikemo iyi
yikusulula ni lilopa.

226 Itolo i Lisimbo bo tukāli uswe ukubūka:

*...kangi abēne balinkuyoba kwa Peteri na...abangi
ba bēne, Banyāmbála na bakundwe, ngimba uswe
twisakuboga fiki ukuti tupokígwe?*

*...Peteri alinkuyoba ku bēne, Pinduka, aligwesa
gwa umwe kangi yaga bōsigwe mu Ngamu ya Yeso
Kristi kubufyule bwa mbibi syinu, kangi umwe mwisa
kwambililaga ikyabupi kya Mbepo Mwikemo.*

*Kabuno ulufingo luli kwa umwe, kangi ku bāna bīnu,
kangi ku bala aba bali kubutali kula, nababingi mūmo
Ntwa Kyāla gwītu isakukōlelāga.*

227 U Ntwa asaye lilino. Akabalilo kāko uswe tukusōkápo pa
njila, umwe mubagīle ukuketelēla u lōsyo bo uswe...?...



BUFŴĪKĪGWE ³ KYA60-0522M
(Adoption ³)

IMBĀTIKĀNO SYA BUFŴĪKĪGWE

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu kulubunju, Meyi 22, 1960, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org